

四明談助目錄

第十八本

東護脉三
江達海

卷四十一

太白正脉

附

錄自烏石山起至靈峯等處古跡提綱

烏石畧

探

釋氏感通傳

錄

李杲堂烏石紀遊詩八首

玉几

山

述

寶慶志

阿育王山

述

寶慶志李志

育王寺

述

延祐志敬止錄曹志

錢志

附

新按

錄

王忠烈舍利殿記

舍利塔

錄

聞志敬止

錄

并

黃梨洲舍利辨

又

全謝山記舍利始末

列

僧惠達

常坦

懷璉

宗杲

從廓

德光

師瑞

義雲

寶

曇

智遇

大觀

悟光

崇裕

畹荃諸傳

又

記內外

四明談助

卷四十一

目一

諸勝宸奎閣

承恩閣

玉几松堂

蕪王二公祠

靈

菊軒

娑羅閣

拾翠樓

上塔

佛迹巖

極目亭

大權洞

袈裟石

善知識祠

無相菴

明月堂

鄮

峯草堂

附

謝居士重修橋道記

靈鰻井

晉松

妙喜

泉

下塔

仙書巖等跡

并

名人題咏詩

育王十二題

攷

并詩又

勾餘土音賦古跡詩

并

詩註

寓公陶宏景李

璜二傳

并

立祠議

附

歷代名人遊歷贈答詩

并

詩後跋

孔墅山

述

曹志

瓶壺山

述

曹志

靈峯寺

述

成化志 靈

峯方竹

述

曹志

附

新按

金雞山

虎蹲山

述

曹志

附

新按

鄮山脉

附

錄自鄮山起西南行至夾塘等處古跡提綱

鄧山述 乾道圖經錄 句餘土音赤堇辨 大廟述 嘉靖志曹

志附 新按

陳省元里述 聞志并 族望表錄 少宰墳傳又 袁蒙齋題贈詩

黃文潔寓室述 聞志探 剡源集錄 謝臯羽李堇山詩 故家

張氏附 新按

堇山莊述 聞志錄 李堇山自題詩 周孝廉居附 新按

魚山附 新按 同谷山述 嘉靖志聞志

古鄧城探 名勝志 十道四番志 乾道圖經 王伯厚七

觀 李杲堂竹枝詞 沈嘉則過故城詩

鐵佛寺雁栖墓述 聞志 王府墳述 嘉靖志探 滎陽外史集

趙王墳述 聞志附 新按錄 李杲堂竹枝詞 史文靖墓述 嘉

四明談助

卷四十一

目二

靖志錄 勾餘土音詩

陳侍郎講舍錄 勾餘土音詩 同谷三先生書院錄 全謝山

記附 金子瓜詩

行宮山述 敬止錄 省畧山述 嘉靖志錄 李杲堂竹枝詞

鄧溪橋述 曹志附 新按 水竹灣廟附 新按 金塘附 記徐

氏近事 施眾莊附 新按

雙峯山 稽家山附 新按

五鄉碑傅氏述 鄞獻表錄 吏部光前 招討休傳

夾塘吳氏述 族望表錄 光祿禮嘉 詩人應雷傳又 李杲堂

竹枝詞

五鄉東西碑述 聞志附 東岡碑記并 錢志鄞定分管例

棟塘李氏錄 李氏宗譜并 記耕讀堂事又 居士德允 隱君

禾傳錄 豐人翁題艸堂詩 李六峯自題詩 李杲堂竹

枝詞五首

滙牽橋附 新按 斗門橋述 曹志附 新按

小浹江述 曹志附 新按 淨嚴寺述 曹志

陳山脉附 錄 陳山脉至萬齡等處古跡提綱

陳山石門山俱 述 曹志 楊木堰梅墟石塘俱 述 錢志

梅墟陳氏述 族望表 世綸堂述 聞志又 黃南山重建堂記

錄 太師居仁 樞密卓傳 菊坡書院詩

梅墟錢氏述 族望表錄 太僕璫傳并 春酒堂詩話

梅墟徐氏錄 教授禹圭仲修兄弟傳

四明談助

卷四十一

目三

龍山述 成化志曹志 小梅廟即新城廟述 嘉靖志錢志錄

袁陶軒鄮北雜詩二首

寶林菴述 聞志錄 寓公周西傳并 勁草先生與周乘六書

句餘土音詩附 寓公李國標傳

新橋述 曹志附 新按 萬齡尚書村述 聞志附 新按

橫涇陳太守宅錄 太守本深 文學孔義傳又 李杲堂竹枝

詞 勾餘土音陳氏牡丹詩

邱隘邱氏述 族望表列 縣佐鏃 孝子緒 文學鳳英 中

書子章 文學棟隆 文學允玉 明經承嗣 知縣克

承諸傳錄 同族科名 文學允玉三樹詩序 李杲堂竹

枝詞又 載石堂記

李氏學樊堂記 李美蘭事又 邱隘虎患事 石池廟述 錢志

陳山西行脉附 錄自梅墟西行轉南至姚家浦等處古跡提

綱

化城庵述 敬止錄錄 李暘谷詩 曹隘殷隘附 新按錄 殷東

阿宗輔傳 高塘頭董氏附 新按

洺陸下應附 新按錄 應山人臬傳 姚家浦附 新按

陳山再西行脉附 錄自一都轉南至蕭臬等處古跡提綱

一都七里塾 已見東郭卷

柳隘 王家衙附 新按述 族望表錄 翰林王相 推官王杰

傳

三橋李氏錄 詩人瑋傳 李杲堂竹枝詞

四明談助 卷四十一 目四

蕭臬碑述 聞志 記李氏別業自鉏園 高臥樓錄 暘谷生

寅 思菴德豐 眞際隱者翼傳并 名人題咏詩 竹枝

詞

卷四十二

三江達海附 錄四明東西二江合大浹江達海古跡提綱

蕙江附 新按 蕙江編採 海族志錢志 徐家渡橋附 新按

蕙江八勝錄 楊文懿公八勝記有 徐家渡 黃刺史別墅

錢氏古祠 吳山 賀監舊宅 豐清敏故居 潘郎中

石亭 平野居士梵舍等蹟

鄞江橋述 聞志附 記橋上景象 絳山嶺附 記嶺上景象

縣磁橋附 記四達道路并風土 葑潭錄 懸磁葑廟志

釣臺附新記錄 沈蛟門詩 高尚宅附新記

葛氏世居附新按分第列評事文炳 觀察仁美 司務士

楨 文學瑞圖瑞書 榜眼世振諸傳錄 葛祭酒髮誅

句餘土音詩又錄文學世掄世授世揚傳附齋居示兒詩

又明經繩先傳并傳後記

地藏殿附新按 響巖附新記述 聞志錄 陳宣遠王次仲詩

聞別駕故居 桂莊俱述 聞志 頻伽鳥述 寶慶志又錄全

謝山釣臺記萬季野竹枝詞句餘土音古跡及土物詩

百梁橋 聖壽寺俱述 敬止錄 元貞橋述 聞志曹志

江口山述 敬止錄附新記 芙蓉江述 聞志附 沈嘉則詩

古方橋述 曹志 橫山附新按 厲山述 嘉靖志敬止錄錄

四明談助 卷四十二 目五

進士吳化龍傳記 明心寺碧玉樓致爽閣諸勝

茅山述 嘉靖志敬止錄聞志附新按錄 陳習菴詩

芳春園記 徐司農園中花瑞鄭士洪詩 鄉舉徐槐傳并詩

宗室趙氏述 族望表錄 待制粹中隱君遵傳 茅山張氏錄

澤州宏傳 哺饑販述 黃氏家乘

許孝子居錄 孝子壠 進士元祥傳 孫氏借竹樓錄 山人

儀傳

東林寺述 聞志敬止錄錄 盛次仲松石軒詩 廣目堂述 敬

止錄附 僧夢堂詩 西延慶寺述 敬止錄附 魏文節公詩

冕山 走馬塘俱述 敬止錄 君子河述 敬止錄錄 胡伯衡

詩

藏春園 述 敬止錄 胡家壩 附 新按

姜山 述 聞志 敬止錄 姜山陳氏 記 族居名望 并 雨鈔事 列

太史丕 廉訪禪 知州欽 御史英 郎中瑞 御史

玕 太僕侃 知縣繼良 按察起龍 知縣治官諸傳

治平寺 錄 袁清容記 天壽寺 四明寺 俱述 敬止錄

黃燕山 述 敬止錄 錄 楊琛詩 陳婆渡 銅盆浦 俱述 聞志

鄭郎堰 述 聞志 附 新按 甬江 述 錢志

東津浮橋 錄 寶慶志記興建規制 敬止錄記元明以後利

弊 聞錢二志記 本朝規制 巨魚入甬江 述 聞志

張明五公祠 述 聞志 錢志 長庚會燈 述 錢志 附 新按

女樂工赴水 錄 董次公詩 三絃女子投甬江 錄 李杲堂歌

四明談助 卷四十二 目六

三江口 附 記東西二江總會下詳西江來處

菁江 附 新按 四明灘 附 新按 黃竹浦已見第二卷 姚

江橋 郁家灣 陸家埠 蜀山渡 俱附 新按

文亭前後江 附 新按 文亭館 述 寶慶志 錄 古留題詞 慈

川逸民詞 僧義銛詩

夾田橋洲漲 錄 曹志 慈人溺項仲昭 錄 說鈴談往

城山 錄 寶慶志 漢妖賊亂勾章 錄 勾餘土音詩

孔內史復舊陂 錄 王伯厚七觀 赭山 述 曹志 并 胡貞女事

管山江 述 曹志 陸攷居大隱 採 聞奇錄

西渡已見第四卷 新渡 錄 李堇山詩 張文定公詩

半浦鄭氏 附 新按 錄 明經啓 觀察溱 知府梁 明經性

諸傳并 二老閣藏書記 勾餘土音古跡詩七首附 記倭

亂預兆

鐵沙滙附 新按 桃花渡附 新按以下詳大浹江達海

王駐洋述 聞志并 記宋高宗玉扇墜事 句餘土音墮琴歎

梅墟錄 范東明黃東井二記附 記梅龍事 大浹江述 曹志

劉參軍敗孫恩錄 宋書高祖紀 句餘土音浹口捷詩

龍驤將軍平田流採 通鑑 吳王居甬東錄 通典韋昭注

王深寧黃南山二辨

秦皇遊鄮錄 史記 橫海將軍討東越錄 漢書并 王七觀

皇甫處士蹈海錄 杜清碧谷音 勾餘土音東海操又 丁鶴

年居海巢記又 萬僉事望海詩

四明談助 卷四十二 目七

海鬼侮弄採 鐵圍山藁談 海國毛女採 都公譚纂

南宋勅祀東海述 聞志錄 王伯厚七觀大海段又 錄射龍將

軍記周生溺海蒙佑事 錢志海防攷

四明談助卷四十一

太白脉分支至穿山者已錄于上其正脉北行起
几山過嶺起育王山山北爲孔墅山瓶壺山靈峯至金雞山
而止所有古蹟詩歌遞詳于下

烏石巖

晉劉薩訶見舍利寶塔從地中涌出六僧騰空而去其一化
爲烏石卽此巖也語見釋氏感通傳

李杲堂烏石紀游詩

嘉霽

同掖青且中約入烏石是午余先至學樊堂上小樓候霽
見層巒盡出烟日始澄聞二子已舟過矣

四明談助

卷四十一

一

登山必選山奇處不可失其次必選侶同岑務同骨是皆可
預期所難者選日茲辰烟始褰遙見諸峯出應聞高人來巖
壑意無嫉冬日肅山容是物聞瑟瑟常與二子云爾我抱寒
質豈必待三春花草趨山熱

始至烏石山菴

次日天未旦余卽放舟行二十里至明堂乃捨舟行復十
里屈曲松杉望烟而入始見高氏山菴時二子待余不至
猜卜未已忽見余冠屨從山徑來笑語遙答

未明獨理舟望影追二子梵鼓告初晴殘星白未已稍復見
蘆人疊舸出弄水前溪尚可通捨舟意取邇榛逕踏寒光應
先上君趾豈爲昔所經索幽意向此漸入攝古楸一菴遙在



指開扉正望余高巾穿角履不獨君苑然僕夫各色喜荒爨
炊松鬚飴畢遊方始

禮南麓先生墓道

飯畢出拜高氏祖南麓先生墓見古木森然碑表甚古守
墓者數家園廬疏列因歎前輩遺制不苟

昔賢卜一邱流風蔽來者豈如碌碌人委骨任土苴余來正
衣冠再拜碑銘下空巖啼丫鶉苔花纏石馬昔栽尺五松採
肪已盈把守冢猶數家山房肅古瓦俎豆生威光舊臘得在
野咨嗟告後人莫替瓠桑社

山行失道

出烏石山後擬上長岡偶失道落叢棘中竹葉刺眉路隙
不縷同遊者閉目偃行三里始出

四明談助

卷四十一

二

習僻厭平阡岐道入榛莽竿足不肯回牽拂堅初往稍進益
無天竹葉大踰掌隙處觸瓣雲日脚不落壤視體若匱松漸
偃安得仰兩袖競翅張冒棘先用顙導者未識誰後趾蹴前
緬人獸盡無音但聞碎籜響三里幸出叢目光久曠隣始見
樵子行訝我友山魍

得杖

出叢棘後各選石雜坐土人俟余輩色定氣定因採竹爲
杖各贈一莖乃得進

既出賀險盡瞻前乃復斛小憇對古松支離類此叟策足恥
言疲終落僕夫後山人指爪強拘竹等拘韭憐余進一莖茲

意感君厚忽若當顛危倚身得吾友山魑不敢爭空潭戰蚘
繆翼足若漸輕影隨孤雲走大謂二子云騰岳等培塿

坐吉祥菴

從長岡稍進乃見山僧結一菴于上瓦棟尚新繞菴有茗
樹千本余輩憇坐久之歎慕而已

回瞻所歷途竟意踞其頂適有鐘導之紆步復前嶺斗上翻
得平霞栖卜斯景果有鬚頰僧苔龕獨遐屏佛座炤珂眉一
童炊瓠鼎供盃貯宿雲泉郵笳作縵竹鷓鬧梵筵木奴耀苓
簪空山更何營僧業千株茗余叩師不訓繩坐默相警欲留
惜未能鳥呼催杖影出谷愁夕陽發我下人境

營隱

四明談助

卷四十一

三

是夜歸宿烏石掖青因歎余輩十年筆墨誤爲名驅今身
世已若此尚萍栖未定所謂負宿心者矣旦中遂請分田
割廬招掖青共隱于此二子各欣然命余預言其樂

憫世憤世心俱從塵市出若夫坐空山堯秦無異日十載憶
登壇慟哭埋文筆誓將共吾子顏笑留皇質艸堂許割居未
苦營茅葦墓田約耦耕十畝三畝秣驅牛合一宮通烟接爨
室各自羅盤殮誰能辨主客終年不著書恥復爲世述艸木
共春秋吾生固有畢

歸飯學樊堂

次早出寶幢河舟行三十里至學樊堂莊人已設雞黍相
候遊終矣然余與二子俱未有詩記則冥尋追寫遊方自

此始耳

默坐對故人不語自珍重待冬東西驅悵然復如夢山澤余
夙交關情亦實共茲遊已告終杖屨憫如送始覺向所歷羣
景森欲動引諸心目間漸爲筆先用譬諸善繪人巖壑豈畢
供冥追在須臾落紙遂難縱二子並蒼茫抱癖不從衆一水
濶如天別後巷始凍

玉几山

在阿育王山之前自寺視之橫陳如几寶慶志

阿育王山

在鄮山之東高數百仞昔阿育王見靈建寺其下因以名山

寶慶志有育王嶺通鎮海縣界李志正脉南來自此過峽

四明談助

卷四十一

四

育王禪寺

在縣東五十里育王山下晉義熙元年建梁武帝賜阿育王
寺額蕭子雲手書飛白由是山亦以阿育王名周顯德五年
寺災宋初重建大中祥符元年賜名廣利寺有釋迦如來真
身舍利塔內有一角金鐘舍利在焉高宗賜號曰佛頂光明
之塔嘗取至禁庭延祐志孝宗亦奉迎入大內御書妙勝之殿
賜本寺皇子判府魏王愷造金塔一座奉安寶塔明洪武十
五年定爲育王禪寺稱天下禪宗五山之第五住持崇裕修
復塔寺莊田翰林承旨宋濂爲記永樂十四年殿圯住持宗
正重建萬歷間住持傳瓶重建佛殿崇禎間邑侯王章撰舍
利殿記住持正理重修 國朝順治五年住持行雪徙殿爲

西向未幾燬康熙十八年住持海覺重修舍利殿開志蕭子雲

手書飛白額崇禎甲申後尚存今燬敬止錄大殿災在康熙元

年十三年建田房五楹十九年住持法鐘重修佛殿曹志乾隆

十六年 賜御書心經一卷三十年 賜御書大悲心陀羅

尼經一函錢志每歲二月十五日育王禮舍利懺各省香客有

百果會凡朝南海者亦先至育王歲久日盛僧衆至無齋宿

處乾隆五十年後住持靈覺漸次營造于東牆外增屋百楹

以廣客堂齋堂祖堂禪堂復思興造大殿先于嘉慶二十二

年營立柱礎規模粗定尚待廣募落成

明翰林承旨宋濂舍利殿碑記載敬止錄

明邑令王章舍利殿記節

四明談助

卷四十一

五

嘗曠覽平原憑臨大海望白波浸山黃烟慘日一切城郭阨
隰人物蟲魚往古來今與塵起滅者俱倏焉幻化耳蓋五慾
塵勞六根煩火遊戲諸相如業鬼借宅捨身受身寧有休歇
一旦眼光墮地手脚忙亂此身摧撞息機晚矣辦一日資糧
庶留一日掌果若食橄欖正酸澁時勿得吐却勿遽作不酸
澁想久之帝座非遙浮雲轉低鬚眉不小六合猶隘禪家定
慧與吾儒安慮其理一也余蒞明州之鄞去城五十里有阿
育王寺則往世之釋迦舍利塔存焉由晉迄我明二千百餘
年矣可使八塔造八萬四千塔而萬塔一塔可使五指放八
萬四千光而無光有光爲光在塔何以忽涌地忽入海又忽
飛屋上忽重登舟塔異而光不異爲光不在塔何以忽如石

忽如雪又忽如月輪相如水晶珠光異而搭不異後有權貴至寺戲問舍利何在笑翁指道旁松曰此處卽是已而松枝皆放光然則舍利之在震旦者一十有九惟阿育王山顯著特甚滿大地山河皆松枝則皆舍利而已滿凡夫愚婦皆松枝則皆釋迦而已是故勤修身而緩稽効其人誠也光如其分量以應焉其心尤誠也光赤如其分量以應焉光自心發光自心見語云不欺于火滅而後日中不怠不怨于家人而後明王敬之夫行之知之不重難哉我輩魔重甚麼鶻臭布衫破驢脊背何時打串乎料理末後著子冷暖在心餘俱閒事直以叅釋迦未生的人可爾是塔也歷傳供養虔禱輒現昔稱梁武宣宗及武肅宋高等莫不以慈悲願力攝受皈依

四明談助

卷四十一

六

然而造塔者周厲王時東天竺國之阿育王是也求塔者晉太康時并州獵師後改號慧達而涌出鄮峯之劉薩詞是也余自暨來鄞數年于茲從瞻禮之餘往來娑羅樹下恒美生流唱驪動誠心謹齋沐而爲之記記畢誦曰樹古庭空雲消天淨靈塔在東夕陽在西

舍利塔造貯原委

詳聞志

僧贊寧傳云世尊入王舍城乞食路旁有童子戲沙卽以沙爲麩殷勤奉施佛授記曰此童子吾滅度後于闍浮提作鐵輪王四大洲中悉皆臣伏取吾八搭眞身舍利造八萬四千塔于一夜役諸鬼神往四天下佛滅度後果符昔記時耶舍尊者于五指間放八萬四千道光明諸天夜叉衆各隨光中

往四天下遇八吉祥六殊勝地乃安一塔此其一也

敬止錄

阿育王寺舍利記

南雷文定

庚戌十一月甲子余爲高且中題主于烏石山明日雨不可

出山遂偕辰四宿阿育王寺丙寅請觀舍利寺僧啓銅塔

塔爲

萬歷間慈聖太后所賜

捧一小方篋出殿門外南向立篋方廣六七寸

玲瓏內外不隔中繫小木鐘塗以泥金有小珠在其內作琥珀色則所謂舍利也余讀宋景濂阿育王寺碑言舍利歷代之神異詳矣自是以後稱其神異者陸光祖郭子章先後詣明州頂禮述其所見然而不知其僞也嘉靖間倭犯寧波胡宗憲防海之師屯于市竊金鐘并舍利以去住持僧傳瓶無以眩人用眞珠裹金僞造以充之光祖之所見者此也其後

四明談助

卷四十一

七

海上有警住持懲異時之失以僞造舍利寄藏鄉民李台垣家台垣之婦私發而玩之墮地不見則又以其奩中之珠塗飾置于鐘內海警旣息迎還于寺郭氏萬歷壬子甲寅所見者此也崇禎甲申住持又將此僞造者質酒于纓絡河久之始復寺中是故阿育王舍利不特僞造卽其僞造者亦不一人一事余之所聞自嘉靖以來者景濂碑文作于洪武十二年距今二百九十三年已不勝其僞如此豈自洪武以上歷一千九百七年之久舍利依然爲劉薩訶故物耶且洪武來舍利不出境內啓閉一二山野驅烏之手洪武以上一歸官庫再入臨安一入燕京流轉不復一寺其譸張爲幻更復何如耶然則景濂碑中之神異亦不過世俗自欺欺人之說

一如郭陸遂從而拾之耳或曰是在觀者之誠否卽如碑言松枝放光何關舍利曰不關舍利是名妄見豈可以所見之妄而謂舍利之靈乎憶余丙寅冬日書窻油盞燈注時吐青珠細于芥子堅不可破竟夕可得圭撮如是者月餘或謂此草舍利也嗟乎卽舍利亦復何奇而況于僞爲者乎彼沾沾其神異者可謂大惑不解矣

阿育王寺舍利始末

鮎埼亭集

南雷舍利辨謂吾鄉阿育王寺舍利自明嘉靖以來一失于胡制使防倭之師再亡於山民李氏三入於酒家其故物杳然矣因進溯前此數千年流轉不一譎張爲幻魏偁聞見小史言寺爲舍利求放光多以夜半安耕次日卽有微驗則南

四明談助

卷四十一

八

雷以前已有言其僞者然二家尚未言其始而詰之 阿育王舍利其最者在丹陽之長干李延壽扶南傳曰晉簡文咸安中造長干寺塔其後有西河離石胡人劉薩訶遇疾暴亡七日而蘓自言見觀世音語云洛下齊城丹陽會稽有阿育王塔可往禮拜因出家名惠達遊行至長干有阿育王塔掘八一丈得金函盛三舍利及佛爪髮乃遷于簡文所造塔之西別爲塔梁武大同三年開之因重修塔帝親幸寺設無礙食此事温公紀之通鑑扶南傳又云先是二年改造會稽鄞縣塔開舊塔出舍利遣光宅寺僧迎至臺帝禮拜竟卽送還院入新塔此舍利亦劉薩訶所得則卽今在甬上者也 然考會稽記云王導初渡江見道人神采不凡謂曰昔與阿育

王同遊鄧縣安真身舍利塔阿育王與真人捧塔飛行虛空入海諸弟子攀引不及一時俱墮化爲烏石如人形至今寺前數里有畧名烏石又十五里有塔嶼據此謂王導初渡江是在簡文帝咸安之前又釋道宣感通傳曰晉太康中離石劉薩訶業弋獵病死而蘓云冥中有一梵僧告以宿業甚重今洛下齊城丹陽會稽有阿育王古塔當勤求禮懺可以免厄乃祝髮名惠達東詣鄧縣訪之一夕聞地下金鐘聲卽標識其處越三日見梵僧七人行道空中地形如涌爲方壇狀神光照映因劬土求之得石函中有舍利寶塔六僧騰空而去其一化爲烏石夫一薩訶也忽而爲東晉咸安以後之人忽而爲西晉太康間人蓋欲附會會稽記王導之時代故不

及

佛理難窮不必定爲有亦不必辨其無遵夫子之教不語可也

烏石巖結茅初祖惠達

惠達并州離石人本名劉薩訶生業弋獵晉太康間祝髮爲僧更名惠達東詣鄆縣入烏石巖結茅以寓詳見前舍利始末記

福昌大師常坦

常坦字福昌住阿育王寺僧問如何是有中有坦曰金河峯上如何是無中無坦曰般若堂前又云千花競發百鳥啼春是向上句諸佛出世知識興慈是向下句作麼生是

四明談助

卷四十一

十

不涉二途句若識得頂門上出氣若識不得土牛耕石田

阿育王山志

案常坦又有還金事見于王荆公詩又嘗咏育王

十二題與李泰伯唱和見盱江集

錢志

大覺禪師懷璉

懷璉字器之漳州龍溪陳氏子也生之夕夢僧伽降室因小字泗州齧齏出家一日洗面潑水于地微有省悟皇祐中召對稱旨賜號大覺禪師治平中上疏丐歸英宗依所乞四明郡守以育王虛席迎致之建閣上所賜詩頌榜曰宸奎翰林蘓軾知杭時爲作碑嘗曰若論佛法兩字是加增之詞但知十二時中平常飲啄快樂無憂祇此相期更無別事上堂云應物現形如水中月遂拈拄杖曰且道月

在甚麼處良久曰長空有路還須透潭底無蹤不用尋

詳五

燈會元

佛日大慧禪師宗杲

宗杲別號妙喜紹興十年詔住徑山時秦檜方力持和議杲與一二忠義士大夫共憤激時事持論慷慨檜黨詹大方論之曰鼓倡浮言謗訕朝政張九成爲之首徑山僧宗杲和之杲遂坐竄于衡陽十五年始得還來主育王山築塗田數百頃以繼衆食孝宗賜號佛日名其塔曰寶光

普燈

錄

妙智禪師從廓

從廓姓林氏福之長樂人主育王寺孝宗卽位之十五年

四明談助

卷四十一

十一

詔明州阿育王山廣利禪寺釋迦文佛舍利寶塔詣行在所從廓侍行旣至命入禁中觀堂安奉焚香瞻禮召廓問舍利從何發見奏曰自陛下聖心發見上大悅賜號妙智

禪師

攻媿集

拙菴佛照禪師德光

德光姓彭氏臨江新喻人紹興丙子歲聞大慧住育王喜曰緣法在茲矣已而果大徹慧歸徑山師奉事益虔白號拙菴曰吾生平多得拙力淳熙三年春詔開堂靈隱寺賜佛照禪師之號七年夏上用仁宗待大覺禪師懷璉故事亦以育王處之嘉泰三年晨興集衆叙別說偈而逝賜號

普慧宗覺大禪師

詳平園續稿

宗覺禪師塔周益公爲之銘嗣

法者徧滿四方師瑞最著敬止錄

秀巖大師師瑞

師瑞九江人姓謝氏徧叅諸宿遂入拙菴德光之室受請住舒州興化寺光送以偈云直捷全提向上機從教佛祖浪頭低如今已是難藏掩三脚驢兒解弄蹄光自育王應徑山請難其繼被旨以瑞補其處嘉泰二年蛻院居西塔時拙庵退居東塔四方訪道者交武于其父子間拙菴順寂瑞謝絕學者掩扉靜坐嘉定十六年八月二十二日忽書偈曰大地無寸土秀巖大事畢大事畢摩訶般若波羅密謝衆而逝秀巖其自號也葬烏石山妙智塔之左樓昉

銘之

詳敬止錄

四明談助

卷四十一

十二

退谷法師義雲

義雲號退谷閩清黃氏子佛照倡道靈隱師往依之及佛照移育王師從行爲堂中第一座照聞其說法歎曰吾鉢袋有所傳矣出住長蘆香山諸刹會育王虛席朝命補其處時佛照方居東菴父子日相從發明臨濟正宗學者雲集退居香山學者集其語爲七會錄

詳渭南文集

橘洲上人寶曇

寶曇字少雲姓許氏蜀嘉定人從大慧于育王久之歸葬其親又復來鄞史越王深敬之築橘洲使居焉工文詞有橘洲集十卷

寶慶志

傳詳仗錫寺下

智遇和尚

智遇少游方後得法于運菴爲頌偈善出新意主育王寺
吳丞相潛判慶元願序其語錄遇謝之歸語人曰吳潛晚
歲如病風人禍將至吾豈願其文耶語聞于吳吳大怒以
他罪杖之未幾吳敗貶死遇時年八十詔主徑山延祐志
物初大師大觀

大觀字物初邑之橫溪陸氏子後出世主大慈育王兩刹
說法之暇嘗命工築大嵩塘田供禪士至今育王大慈二
塘皆師之遺澤也逝世塔于鄮峯西菴開志宋景濂塗田記
見敬止錄

雪窻上人悟光

悟光字公實號雪牕新都楊氏子至正二年住持育王寺

四明談助

卷四十一

十三

以所頒金幣建承恩閣學士黃潛爲碑記會天童虛席光
兼領寺事以五日分會說法有語錄宋文憲濂爲之序開志
扶宗宏辯禪師崇裕

崇裕字約之毘陵陳氏子少從壽昌院東林曉公爲沙彌
又叅廣智訢公盡得其道洪武初主育王五年建廣薦法
會于鍾山徵高行僧十人師居其首命書天界寺額賜食
上前或假寐鼻息微有聲隣坐引裾覺之上歎曰此老人
無機心誠善知識也賜號扶宗宏辯禪師建生塔于廬山
石耳峯下翰林學士宋濂爲銘護法錄宋濂禪銘見敬止錄

嵩來和尚畹荃

畹荃字嵩來通儒術書畫贍逸主育王寺積金闢拾翠樓

構娑羅閣以補舊時之所有蘓長公宸奎閣記張無垢妙
喜泉銘仆地已久悉爲豎立又重修育王寺志刊行之

育王

山志

育王寺內外諸勝

宸奎閣

宋熙寧間仁宗召育王大覺禪師懷璉居東京淨因院御製
釋典頌并提綱語授之懷璉還山建宸奎閣藏仁宗偈頌御
書五十三軸有眞書飛白梵書三體御書團扇三柄英宗手
詔一道知杭州軍州蘓軾撰記聞志碑記并跋見聞錢二志閣
已久廢 本朝嘉慶間嵩來法孫靈覺補建于方丈西北滿
壁圖書思復舊觀

四明談助

卷四十一

十四

英宗賜懷璉手詔云大覺禪師懷璉受先帝聖眷累賜宸章
屢貢欵誠乞歸林下今從所請俾遂閒心凡經過小可菴院
隨性住持十方禪林不得抑逼堅請語見乾道圖經宸奎閣
記後附東坡與懷璉書又有嬾眞子跋俱見敬止錄嬾眞子
宋廣陵馬永卿著

承恩閣

元至正十年住持悟光以所頒金幣建承恩閣學士黃潛爲
記聞志黃文獻公閣銘見敬止錄後閣廢 本朝乾隆二十二
年 聖駕南巡住持畹荃接 駕 賜幣帛卽于其地建承
恩堂今尚完固

玉几松堂

寺內舊有玉几松堂額宋學士張卽之所書明宏治間住持廣福重建少司空李堂記之志聞堂在舍利殿西原額尚在蘇王二公祠

故內翰蘓軾祠堂在廣利寺內佛殿之右乾道中住持從廓重建乾道經圖寺內有蘓軾王安石二祠胡宗愈撰安石祠堂記

敬止錄久廢

靈菊軒

萬歷十九年眞如軒有靈菊之異改軒名靈菊大司成戴洵爲記志聞今廢

娑羅閣 拾翠樓

寺中舊有娑羅閣拾翠樓久廢乾隆間住持畹荃于玉几松

四明談助 卷四十一

十五

堂之西承恩堂之東建樓十餘楹自北而南圍以寬牆仍名爲娑羅閣拾翠樓又于樓之盡處面南顏曰不浪舟

上塔

寺東北山上有迦葉佛左跡上有東塔院傳者謂劉薩訶所禮舍利塔湧出之處延祐志補東塔院者沙門自悟也下至庫院禱室則出于比丘智寧之力也敬止錄正德十二年育王住持廣福修上塔少司空李堂爲記志聞

佛跡巖

阿育王山腰有佛左跡入石二寸餘寶慶志

極自亭

亭在上搭山頂望海中諸山如邱垤然寶慶志又名望海亭今

亭圯已久柱石尚存

大權洞

在阿育王山

聞志

樂長卿大權洞詩

山椒古洞閭無人雲物深藏護塔神歲月雖長人跡少一番

花發一番春

袈裟石 亦名墮星石

出寺里許由大權洞而入有劉薩訶塔院即東院之南有墮

星石石上隱隱有袈裟文相傳隨塔而墮云

善知識祠

在上塔乾道二年募緣砌大嶺至上塔磚路數千丈建大慧

四明談助

卷四十一

十六

大員普門三善知識塔院後舍配以造塔真戒大師振公以

為善知識祠堂香火安撫司李泳為記

無相菴

寺東二里有無相菴為大慧宗杲退歸地敬止錄

明月堂

隆興元年大慧宗杲示寂塔于明月堂之側孝宗製讚

鄮峯草堂

元至正五年嶺崖謝居士建成化志在寺之東元泰不華篆額

聞志寺東諸庵院俱廢惟草堂在佛跡巖下今尚完好成化志

有謝居士重修橋道記錄後

重修橋道事蹟記 節 元江南經畧從事盛熙明撰

四明僻在海陬其道路艱危人力平治之始克通濟皇元混一四海梯航所至尤謹于橋梁道路專命郡邑佐貳官董其事近歲兵興是邦控海道當浙右之要衝左右司郎中張君本仁請于司徒公俾出官帑若干緡屬之謝居士者慨然任其責會徒侶分執乃事督工營斲凡若干丈費以萬計余適過之因識居十年已八秩率先服勞心竊異之知其不日而成也未幾處士以狀來求文將勒碑于道左按居士名覺寧別號嶽嵯居定海之雷峯山時丹陽優曇大師淨行聞于朝奉璽書乘傳行化四方至甬東居士叩禮蒙授戒法遂絕酒葷爲弟子嘗遇橋道之傾圯輒加修治道則育王寺百里以達穿山從郡北門六十里接定海境玉几至小白市礮堰則

四明談助

卷四十一

十七

石湫烏金積水灌定海田五百頃有奇蕭臯木支亦大爲鄞利若橋之在都市者五在郊垆者八悉要津也圯者新之損者完之罅漏者葺之石堅工緻是蓋以善感人遠近翕從匪假勢力之逼伯也孟子曰仁言不如仁聲之入人深也善政不如善教之得民也今以一介之士尚能善感于人以成惠濟之功若夫在位者苟有仁聲善教則平治邦國猶運諸掌耳生民之被德澤將何如哉居士聞而謝曰此非愚所能知發願有偈請告同志

下有七言
偈語未錄

居士自蛟川徙大涵山之

陽其子孫以善相承築橋梁新學宮建梵宇勞蹟尤多明翰林學士呂原有跋亦載成化志

靈鰻井

寺東里許有聖井靈鰻在焉相傳隨塔而至呼爲護塔神折
鮮花誘之有二紅蝦導之而出因作淵靈廟祀之以其與塔
相關也

育王
寺志

晉松

山門有晉松亦號放光松高僅丈餘虬枝偃地旁蔭數畝

育王

志東有靈虬舍乾隆間巡道潘珣所構
勾餘土音阿育王山晉松歌

五馬浮江一馬化爲龍遺鱗夜墮浙河東遂成阿育王山之
古松風饗雪酷一千七百載取精醞靈良已濃忽然寒芒發
古幹猶疑典午劫火青熊熊桃源桃不見栗里栗已空蘭亭
之蘭成荒叢誰似茲松長葱葱何人附會梵力雄謂是劉郎

四明談助

卷四十一

十八

舍利著芳蹤應笑劉郎故物遷播如轉蓬而今雁

同

鼎只合

謾村童巋然老松乃神物豈關八萬四千塔影所昭融梨洲
老人誇智果寺名倘校資格那得同諸君且和我叉手松下哦
長風八叉未竟驚濤出松花未落光蔚蔚想爲詩人耀渴筆
我詩便與老松雙突兀

柴漁山

梓庭

陪寒山先生過育王寺看放光松用梨洲先生

智果寺松韻

少聞育王有古松萬古同聲誇第一年過三十始見之正值
秋光映落日同遊二張及李生辛巳于今歲紀七今秋得侍
寒村游籃輿便道玲瓏出重來比昔更精神拔地崩崖儼百
尺橫身奇鬼倒攫拏撲地神龍側盤結枝如燕將橫鐵矛聲

或趙女撫瑶瑟神物千年應護呵水溺火焚都不失感慨零
落荒烟中奇才屈曲困蓬葦世間老松何地無所見神奇固
無匹南雷一代制作手徧考奇松第甲乙竟以智果壓育王
樹古有靈定妬嫉寒村坐對神忘疲春色陰沉雲欲漆弔古
悲今話未休賞奇識異游難畢如此不朽千年松應有如椽
半人筆平心試與智果衡不屑弟行肯作姪放光之事不足
奇但取此松真本質僧房夜雨坐鐵燈落落荒談等捫虱長
歌一闕作前驅聊爲名山表遺佚

妙喜泉

育王爲浙東大道場地高無水僧衆苦之紹興丙子佛日大
慧禪師宗杲受請住持命穿茲地爲一大池飛泉湧隘知州

四明談助

卷四十一

十九

事姜秘監師仲見而異之名曰妙喜無垢居士張九成爲之

銘節錄
張序

其普香世界額則張秘閣卽之所書也

聞志

泉在寺前

碑在舍利殿東牆下面西其碑陰卽范的常住田碑面東

妙喜泉銘曰心外無泉泉外無心是心卽泉是泉卽心或者
疑之以問居士心在妙喜泉是育王云何不察合而爲一居
士曰來汝其聽取妙喜未來泉在何處妙喜來止泉卽發生
心非泉乎泉非心乎謂余未然妙喜其決之

宗杲說法徑山無垢數與往來嘗論大學格物杲曰公祇知
有格物不知有物格無垢言下有悟秦檜恐其議已乃授意
詹大方論劾竄杲衡陽無垢亦安置南安軍及檜死復杲師
號住四明育王寺而無垢亦起知温州此泉正杲住育王所

鑿也杲少爲張天覺所知名其菴曰妙喜遂以妙喜自號故
茲泉亦有妙喜之目錢志

范石湖妙喜泉詩

二士共談碑上法千僧同酌沼中泉法門泉味知多少水桶
繩頭一串穿

下塔

西塔院去寺五十步乃唐明皇時建也

延祐志

唐開元中僧了

緣建院元至正二十四年育王住持元興重建下塔司農少
卿危素撰記明洪武十五年育王住持崇裕修復塔寺莊田
翰林承旨宋濂爲記聞志萬歷間本院僧妙雲修葺置產正殿
有董其昌書最殊勝殿額前殿有豐坊書白雲竹院額 國

四明談助

卷四十一

二十

朝康熙間本院僧維德重建正殿乾隆間廣義重建前殿岳
峯潮源創補青閣于殿東錢志

仙書巖

巖在寺後有才公坤三字

聞志

樂長卿仙書巖詩

才公坤是何代人名鑄崖石尚如新摩挲老眼看不出山鳥
一聲天地春

育王十二題

宋僧常坦有十二題詩盱江李覲和之

李覲和育王十二題詩

遙聞金沙池知是虛名號世人方競奢何茲有遺寶

金沙池

佛迹空在茲佛心無處所尋迹以求之似學邯鄲步

佛迹峯

萬物雖散殊孰非道之體何必石巖巖方疑金色臂

七佛石

梵教一來東羣心日歸向土石至無情也作披緇狀

袈裟石

月色固無改臺基亦不壞嗟哉玩月人古來誰更在

明月臺

形模皆自然樹立豈人力松影與秋光掃成真水墨

石屏風

田苗自枯槁井鰻人所禱若教龍有靈此魚何足道

靈鰻井

璘師鑿此泉晨夕奉親老因知達者心豈嘗離孝道

供奉泉

嘗聞有爲法佛說如夢幻胡然宰堵波香光耀凡眼

育王塔

晉後千百年茲殿儼如昔梵宇若皆然應須省民力

八角殿

典午既凌夷羣材共淪謝惟有青青松于今被王化

晉年松

長疑佛界中天女來行樂爲怕山風寒仙衣盡重著

重臺蓮

四明談助

卷四十一

二十一

阿育王寺十二題攷

結埼亭集外編

盱江李先生泰伯有阿育王寺十二題詩乃筠州楊屯田和
寺僧常坦而邀盱江同作者吾鄉阿育王山志莫之收也十
二題中至今存者山水則曰金沙池佛迹峯靈鰻井伽藍則
曰育王塔八角殿斯其歷劫無恙者也其曰七佛石當卽指
烏石巖而言道宣感通傳所稱梵僧七人過此得石函舍利
六僧騰空其一化爲烏石者也其曰石屏風恐卽前山玉几
而言其曰供奉泉據盱江詩則時有浮屠璘鑿此泉以奉母
者育王山中所乏者泉今泉乃以妙喜得名橫浦以大儒爲
之銘故益著而供奉之迹遂無稱者顧妙喜不附和議爲忠
而璘爲孝有忠孝之節則固不可以浮屠而泯之也其曰晉

年松今寺前有巨松能放光爲浙東松之最奇者然非是詩
莫知其遠自晉年也其曰重臺蓮今雖有蓮而不甚盛其曰
明月臺則嬾堂亦嘗有詩其竟無可攷者袈裟石耳顧盱江
詩中並不一及舍利之神則知是時已無復舊物而南渡以
後震而奇之者其出于耳食更不待辭費矣

句餘土音賦阿育王山古蹟九首

陶隱居戒室

宏景

蕭梁國王父子圖形山壁間思憑佛力垂無盡官家垂老餓
臺城遺愛何人相存問未若隱居芒屨自風流至今猶共傳
餘韻夫君本是儒家流一物不知懷愧吝力詆王衍何晏敗
世風肯以時趨相曲狗胡然來訪鄮山塔清淨或亦性所近

四明談助

卷四十一

二十二

烏石橫陳戒室前山花山鳥爭來訊豈知昭陽宮裡集妖氛
隱隱早懷亡國恨

詩話隱居詆夷甫平叔之談空而身爲訪塔之行是不知
二五之爲十也予詩故微諷之

璘師供奉泉

浮屠家法去人倫闢之而後可入道乃有璘師具至性不以
軍持負聖教我來茲山尋曲澗汨汨甘泉表純孝山下慈烏
啄瀑流山中慈竹穿行潦慈谿而外數此泉凱風爲我深憑
弔茲山况復少源泉疏鑿辛勤多感召不須江水遠輸將舊
史所傳亦允蹈圖經文獻不足徵猶喜盱江有筆妙

詩話璘師供奉泉以養其母至今育王寺不載所載特妙

喜泉耳予讀李盱江集所咏育王十二題中得之以補文
獻之畧

璉公辭鉢亭

苦身持力乃佛教我于璉公庶幾見典型豈有大悲度一切
乃以淫富誇衆生玉皇案前龍腦鉢何緣下賁空巖扃山前
猿鶴夜相驚將無以此懊山靈一池荷葉不妨百衲成數樹
松花不嫌破釜盛泥首謝浮榮所羞在不恒雄文尚有坡公
碣晴光夜夜照長庚嗤彼白足庸妄徒猶羨衣紫遊彤廷

坦長老還金坊

阿育王山十二咏首自坦老發其音風流已足映千古豈知
高誼高千尋寄金滿篋遊海舶幸脫天吳返故林賤金貴義
豈望報斗酒而外無容心晚年敝屣棄妻子夜燃柏子空山
岑願爲蕭寺存掌故乞得大儒和清吟嗟哉世教日偷薄晝
不見人但見金豈知吾儒方寸自有雙南琛

詩話坦長老還金僅見于荆公之詩讀盱江集則以十二
題索盱江詩者卽坦也蓋亦雅人

王文公祠

文公爲作靈巖行曾向山中一信宿若璉若坦若虛白話舊
殷勤陳野菽公集中有贈此三人詩至今去思留山中斗門惠澤垂東
谷文公本負臯夔志青苗誤祖周國服須知常平與青苗其
法如車人如軸常平失人亦貽厲青苗得人亦造福文公行
之吾鄉時鄮山之民徧尸祝于今吾鄉歲歲行常平但爲墨

吏腰纏恣飽贖

詩話育王並立王蘇二公祠王公爲鄞令嘗至山中祠之是也蘓公之祠似乎無謂

楊孝子筍輿徑

深山徧地白雲封何處天開筍輿徑吾鄉厚德侔顓谷董

黠

張無而後推楊慶退之鄂人對自精難爲草莽匹夫裁獨行

試看乳可復生肝可完此中冥冥有神應春蘭秋菊風日佳

板輿入山尋佳勝山諼夾道足忘憂再拜爲母祝元命至今

遶徑白華白猶爲楊郎光山磴崇孝坊前宿艸荒

今北城孝聞坊卽見

未若山蹊長潔淨

趙制使齋房

伯圭

四明談助

卷四十一

二十四

句餘澤國多神龍或爲雄虹或雌霓金沙池中尤著績雙鰻
二蟹稱瑰奇靈波護塔不足信嘉澤惠民無可疑康憲而後
有制使祈早來此最潔齊康憲遺踪鞠荒土制使石碣尚可
稽農家碧沚西岸住淵靈行館長相依句餘瘠土尤望歲神
龍之澤無濡遲安得牧守盡賢者精誠足以感蕃釐

詩話朱徽公嘗疑甬上諸龍靈跡以問其門人滕德粹滕
時爲鄞尉故也呂忠公則直謂龍池興雨怪誕不經然龍
之致雨吾鄉確有可信若育王之龍浮屠誇大以爲護塔
之物則妄

杲公歸械閣

英雄流落歸佛子光芒終莫掩一班杲公茂松色礫砢千丈

不可攀斯人固應冠其顛置之魏公張俊豐公趙鼎藥籠間足與

橫浦居士張九成相後先老檜勒返初服未為愆其所不應者

竄之窮海邊秦城王氣盡歸來長對玉九眠閒與橫浦辨彼

心與泉明月堂中夢涓涓斯人遂老西竺乾嗚呼何不置之

魏公豐公藥籠間秦城王氣當時佞臣所以媚宰相語

李堦菴墓璜

堦師博物人手輯香山居士譜麾彼信安婚其視豪門如糞

土洛學在君家侍郎書籤不可數忽然東州來神慕老龐蘊

持行苦感憤在遭遇金沙井畔參佛祖偶成學記文依舊儒

言本鄒魯惜哉斯高才不溯薪傳到樂圃嗟我求遺文王戴

臧書杳何處

四明談助 卷四十一

育王寺寓公

陶隱居宏景字通明丹陽秣陵人十歲得葛洪神仙傳晝夜

研尋有養生之志曾夢佛授以菩提記云名為勝力菩薩

乃詣鄞縣阿育王塔自誓受五大戒南史隱逸傳

堦菴居士李璜字德劭江都人少負雋才後寓四明筆力雄

健人所罕及晚從宏智禪師于言下有省以筆耕之餘買

田一頃施于阿育王山樓攻媿堦菴文集序重修明州學記延祐志

為堦菴居士立祠議鮚埼亭集

李布衣堦菴本江都人也名璜字德劭少負才瑰奇誕放

于書無所不觀不肯應進士舉或遂譙之則曰無他恐奪

汝曹魁耳聞者哂之則曰不信請為汝曹試之一出果魁

建炎之難寓居四明太守仇愈周綱潘良貴皆重之郡縣學校文字多出其手時信安郡王者昭慈孟太后之弟也聞檠菴之才欲以女匹之檠菴謝之終身不娶于是來育王從宏智禪師遊大有省悟其自題影曰分明便是龐居士又却無人賣罩籬當時以爲見道之語其于甬上諸公最善王侍御伯庠參政次翁之子也檠菴病革侍御過之問以平日了達今何所見曰都無所見但覺神氣漸散耳以其遺稿爲屬尚諧之曰勿竊吾詩文爲君有也尋卒侍御令客戴權編之釐爲十二卷其白文公年譜樓參政攻媿序而附之于長慶集予觀檠菴乃畸士蓋非特以文學見長者故欲于今寺中或娑羅閣或拾翠樓營一席以祀之未必非玉几金沙之佳話也

四明談助

卷四十一

二十六

育王寺唐宋元碑刻塔銘等俱見錢志金石攷
名人題贈詩附後

王荆公寄育王山長老常坦

道人少賈海上遊海舶破散身沈浮抱金滿篋人所寄吹簫
偶得還中州羸身歸金不受報祇取斗酒相獻酬歡承慈母
終一世脫葉妻子臧巖幽蒼烟寥寥池水漫白玉菡萏吹高
秋夜燃柏子煮山藥憶此東望無時休塞垣春枯積雪留砂
礫盛怒黃雲愁五更匹馬隨雁起想見鄮郭花今稠百年夸
奪終一邱世上滿眼眞悠悠寄聲萬里心綢繆莫道異趣無
相求

舒嬾堂遊育王山

參天松柏緣陰陰古佛巖前一路深猿鳥不驚如有舊雲山
相對自無心數泓寒水雲藏雨十里輕沙路布金杖屨更知
非世境上方日日海潮音

僧欽宿育王寺度香室

詩思清人睡不成彈棋啜茗坐更深洗空兩耳繁華事滿耳
松聲與水聲

又登玉几山東塔

滿身烟霧冷淒迷竹樹連陰接檻齊蠟屐尙躋望晴日扶桑
拂影海天低

范石湖育王方丈

四明談助

卷四十一

二十七

窻紙悲嘶萬壑風石梁飛澗倒枯松殷勤昨夜三更雨添作
投淵雪色龍

宗杲寄無垢居士

上苑玉池方解凍人間楊柳又垂春山堂盡日焚香坐長憶
毘邪多口人

謝臯羽遊育王山

曳舟來山中出郭稅吾駕獨慕忻衆騰晨發乃及夜豈無城
中山愛此是幽野橫陳玉几峯隱護碧殿瓦并州古男子禮
塔于是舍而我飲冰人猶爲內熱者擬僑桃枝笙舒卷得餉
暇明席織海艸因之一枕藉冷風吹雪空相與坐其下

劉德元育王山詩

古鄮名山控海涯諸天深護梵王家一峯橫玉陳前几九井
沉金下涌沙鐘磬隔林回鸛鶴松杉夾道走龍蛇明朝更上
磐陀石遙睇祥雲矚海霞

戴剡源阿育王寺詩

花滿車茵酒滿船亂雲堆裏訪枯禪林深何處無芳草人靜
有時聞杜鵑神屋晝飛青礮磾靈潭陰罩赤蜿蜒居然悟得
松風夢回首廬山三十年

豐人翁遊育王寺次瓦屋高太守韻

祇林春晚振衣行麗日東飛紫燄明殘雪在山金碧畫清風
度澗管絃聲江梅萬樹香隨路谷鳥雙啼喜弄晴正月茫茫
俄二月蕭條百事壯心驚

四明談助

卷四十一

二十八

塔院雲光層復層高人禪定向來精波心出月千林白石骨
流泉萬古清藏界是真還是幻法身無滅亦無生使君猶縮
黃金綬多病偏諳遯世情

又重遊育王寺

十年不向此中遊杖策重來值晚秋山果半青垂鴨脚野蔬
深碧雜烏頭曉看雲散峯如畫夜聽龍歸水自流幸與高人
同一笑便風無那促輕舟

獨坐虛庭對月輝滿天清露濕秋衣瀾生江上靈妃佩影動
河邊織女機老鶴傍人還自舞啼鳥繞樹不驚飛故園水閣

芙蓉遍欲泛空明此夜歸

上四詩人翁自寫四幅廳
畫今藏于章耆巷李氏

孔墅山

鎮東南二十里卽孔墅嶺山過西又有布陣嶺宋高宗禦寇
布陣于此曹志

瓶壺山

鎮東南四十里世傳葛仙翁煉丹之處時得赤土如丹砂旁
有井歲久湮沒左右列二小壠中有小沼曹志山在育王東北
近長山磬卽道光四年土人掘出古墓磁瓶之處

靈峯禪寺

縣南四十里周廣順元年全禪師建名保安宋治平元年改
今額成化志

元劉德元詩

樓閣烟霞出翠岑瓶壺山色壯叢林天池水活千峯動松徑

四明談助

卷四十一

二十九

人行九曲深魚鼓不傳憎入定鶴童能伴客幽尋巖前桂子
紛紛落散作天花滿地金

靈峯方竹

葛仙翁名洪字稚川高密人嘗居靈峰煉丹丹井猶存久旱
不涸偶植竹箸化竹而方今或間生巖谷曹志峯上有菴每歲
正月初十日香市甚盛遠近人連日踵至盈千累萬習以爲
常畧無禁忌嘉慶二十年間有奸匪生心謀奪婦人首飾伺
燒錫錠忽于殿後喊聲火起一時奔竄無路踏死者數十傷
者不計其數自此僧衆逐出香市永行禁止

金雞山

候濤山外海口世傳山內有金雞正鎮海門寶慶志與隔江招

寶山對峙以形得名都督俞大猷勒江海朝宗四字于其上
招寶山下海中又有虎蹲山以亦形名曹志東四明內護盡于
蛟門并此二山外護盡于洛迦山

以下詳鄞山脉西南行至夾塘棟塘等處

太白脉北行起育王山轉西起鄞峯鄞峯之下爲寶幢有鮑
王廟陳省元里黃文潔寓室故家張氏堇山莊周孝廉居鄞
峯之北起魚山轉西爲同谷山有古鄞城鐵佛寺鴈栖霞王
府墳趙王墳史文靖墓陳習菴講舍同谷三先生書院同谷
之西爲橫壘卽行宮山有高氏別業再西爲省壘有李氏大
倫堂其脉至鄞溪橋轉南過塘河東行逆上有水竹灣廟金
塘施眾莊等處鄞峯與同橫省三壘水俱逆上由寶幢大王
橋合育王來水繞出施眾莊南行由鹿山後歸雲龍硯省壘
脉過西起雙峯山稽家山向南直出至五鄉硯夾塘棟塘滙
牽橋斗門橋等處水亦南行俱歸雲龍硯

貿山

縣東三十八里高二百八十丈按十道四番志云以海人持
貨貿易于此故名而後漢以縣居貿山之陰乃加邑爲鄞雖
或以山或以縣取義不同其所以爲鄞則一也金翊纂異記
乃引顧越碑云昔西國獵人劉薩訶南登稽嶺東踐鄞山卽
此也按鄞因赤堇山以草得名而其山柱縣東三十四里吳
越春秋云有赤堇山故邑爲鄞則鄞與鄞蓋二山也舊記考
之未審乃併爲一山故于此詳辨之有陳國基乾道經圖經所

謂鄞指鄞城山言故謝山句餘土音云赤堇當依舊志在奉
化明李侍郎以育王之支山當之非也

寶幢大廟

舊爲鄞縣都巡檢司基今爲青山行祠俗名寶幢大廟

曹宋志

嘉定間省元陳墳建

嘉靖志

分祀鮑蓋

聞志

舟行登陸進阿育王

寺必由之路故地稱寶幢省元坊在街口石柱尙存

陳省元里

縣東四十里寶幢嘉定丙子省元陳墳以吏部侍郎家居卽
泉石自娛有省元坊卽以名里

聞志

公自號習菴所居有觀聚

堂尊明亭

耆舊傳

甬上族望表同谷大儒陳氏曰和仲先生第一侍郎不替家

四明談助

卷四十一

三十一

聲第二共二望據清容集則其子孫已散而今同谷諸陳祖
之可疑

吏部侍郎陳習菴先生墳

字叔平大父和仲與樓宣獻友善公四歲宣獻指槃中銀
杏使屬對公應聲曰金桃問何所據對以杜詩鸚鵡啄金
桃宣獻竦然曰亡友不死矣試江東轉運使試禮部皆第
一嘉定十年登進士第調黃州教授師事楊慈湖簡攻苦
食淡晝夜不怠史彌遠當國謂之曰省元魁數千人狀元
魁百人而恩數踰等盍令省元初授堂除教授當自君始
公謝曰廟堂之議甚盛舉自墳始得無嫌乎徑部注處州
教授以去理宗卽位詔求言公上封事帝嘉納之遷太常

博士主宗正寺簿都城火公步往玉牒所盡藏玉牒于石
室歷陞國子司業諸生成相慶以爲得師又陞吏部侍郎
以言罷家居自娛于泉石 子蒙年十八上書萬言論國
事吳子良奇之妻以女爲太府寺主簿入對極言賈似道
爲相時國政闕失出爲淮東總領似道以貪汙貶建昌軍
簿錄其家惟青氈耳德祐初以刑部侍郎召不赴卒
詳宋史本傳

袁蒙齋題觀聚堂詩

習菴築室扁曰觀聚堂前何有萬象可睹山如郭郭烟雲
春吐草木沃若春光媚嫵修篁漫山不知隆暑何況秋空
呼月入戶朔風吹雪松聲如怒上天下地四方曰宇物生

四明談助

卷四十一

三十二

其間何可勝數我于是觀樂哉斯土隨意作室不華不窳
買山旋添稍葺園圃得趣幽閒不入城府良朋偶來傾倒
肺腑不及時事唯談鄒魯朋去何爲周易一部消息盈虛
窮今亘古觀乃自觀寂無一語

又題尊明亭詩

非德不尊非道不明爰取斯義以明吾亭亭在山巔氣象
巍然山從何來蜿蜿蜒蜒我坐亭上極目一望羣峯畢朝
尊無與抗我撫亭子萬狀難寫一一分明入我醜筇有時
攜筇偕二三朋莫知我心獨撫孤松

黃文潔寓室

在寶幢宋提刑慈谿黃東發震避地讀書之處
聞志 延祐志謂

東發歸寶幢山中誓不入城府所居日湖之圖書器物掠取亦不問又嘗避地桓溪自號仗錫山主人見剡源集

宋謝臯羽尋黃提刑避地舊跡詩

甬東寺裡逢陳若雙袖龍鍾行帶索問知黃公舊避逃寶幢山下坐叢薄日惟一食禱先靈不願捨得不死藥仰天呼號得正終一往不復至城郭公初著書女立旁公死母亡家獲落予爲戶曹取公女欲叙因由無與語得來與子行林莽月落山空識其處

明李堇山詩

文潔書堂倚鄮峯傷心山屋嘅遺踪眞傳濂洛人何在仙骨千年白石封

四明談助

卷四十一

三十三

故家張氏

寶幢張氏遠近百餘家自稱文節公之後近世科貢二人諸生十餘人

張雲逵字念飛乾隆壬午科 恩貢子稼廉字味耕諸生
張文照字秋輝諸生加民之子乾隆庚子科舉人

堇山莊

工部侍郎李堂予告讀書處自號堇山卽以名莊其地面對大涵山背通省輿足稱攬勝之奇公有題壁記及八咏聞志附錄二詩于後

山莊漫興

紅葉亂紛紛秋光到小村莫憐蒲柳脆幸與菊松存猿狖饜

山果牛羊巒筆門石牀涼不寐流水激籬根
輕風吹袂步晴隄曉樹拖嵐望欲迷茅屋可容溪月小釣船
不礙石橋低原田布穀催春鳥籬落炊烟報午雞寂寞逋仙
千載後何人真隱上新題

周孝廉居

寶幢周氏獨居數代自稱新莊之後至世文世武兄弟孿生
有新河李氏女亦孿生聘爲姒娣世文字安國乾隆庚辰舉
人子德驥諸生世武字定國優貢生乾隆己亥 恩科舉人
子德鳳亦諸生

魚山

西連同谷山而高于同谷屬鎮海縣新舊志俱不載嶺上有
四明談助

卷四十一

三十四

菴竹木陰森境最幽寂遊人罕至

同谷山

縣東四十里以東西兩壘同一谷口故名內有三嶺一石城
落通定海深壘一魚山通定海大磗頭一長山通小浹江先
時山麓與海相際海中百貨入此貿易故谷口舊名後塘街
西去半里許曰下莊宋有酒坊司至今土人掘地常得甕甓
之類嘉靖志所稱定海俱今鎮海縣此爲鄞縣故城之墟或傳在鄞山橋者
訛也宋王尚書應麟及其先後墳墓俱在此山尚書冢孫厚
有同谷賦聞志賦載敬止錄

古鄞城

漢時建鄞縣于同谷有鄞縣城遺址名勝志此卽所稱官奴城

也十道四番志云宋帝微時避吏于此與人奴善奴名桂藏
匿既久爲吏所逼逐適值桂在田以土覆之得免後立官奴
城以報之掘土築城之地名官奴池按宋書孫恩破上虞時
將軍劉牢之往討以劉裕參軍事嘗戍句章是爲宋武也

圖經

昔秦始皇東觀滄海遂御六軍南巡狩登會稽刻文石身在
鄞縣三十餘日語見陸士龍答車茂安書亦見王伯厚七觀
至宋書劉裕戍句章乃漢勾章故城在今城山渡之東見下
卷

李杲堂竹枝詞

風跡千春問有無山川歷歷在荒塗登峯曾說秦皇帝重水

四明談助

卷四十一

三十五

猶傳文大夫

始皇在鄞
縣一月

移城傳是晉牢之宋武廻颿浹口時往事英雄俱在眼一盃
却上偃王祠

今鄞縣劉牢之所造
徐偃王祠在湖上

沈嘉則過鄞城故墟詩

四顧蒼茫感慨生也曾栖借一枝輕水光山色仍相待物態
風烟幾度更野老口傳秦駐日官奴名寄漢家城廢興今古
尋常事無奈桃花繫此情

鐵佛寺

縣東四十里元至正間王氏捨基僧本眞建 本朝康熙間
上傳重建佛殿

聞志

鴈栖霞

在鄧縣漢日南太守陳國字季鴻少有孝行爲日南守時常有鴈止宿廳事上每行縣輒飛逐之及卒于官歸柩雁隨喪至墓栖止三年然後去太平寰宇記乾道圖經俱載其事會稽典錄作虞國聞志

王府墳

直秘閣王搆墓 禮部尚書王應麟墓俱在同谷山嘉靖志 靜

學居士王昌世墓在同谷山祔父應麟墓側黃潛撰墓銘子

厚孫寧孫祔滎陽外史集 在同谷東畧俗稱王府墳

趙王墳

奉化郡王諡清敏趙與權墓在縣東同谷山聞志 東鄉趙王墳

多冒稱且俱荒廢惟此與白雲山清敏之父太傅希言墓至

四明談助 卷四十一

三十六

今君子營趙氏尚拜掃不替

李杲堂竹枝詞

草深翁仲半埋身寒食天陰鬼語聞一瓣紙錢曾不到只教

人喚趙王墳東鄉所稱趙王墳者甚多

史文靖墓

贈太師諡文靖史彌忠墓在鄧山與陳國塚相近嘉靖志

句餘土音詩

詩話予于獨善堂詩已極表史氏六賢之盛不以宗袞累其家聲惟文靖之賢不下諸公而偶未之及適遊同谷過公墓因有此作

真翁家世半清修文靖于中亦拔尤曾與楊袁同學術不因

子弟減風流奪情自戾先公志誤國誰承壑相差我過墓門
三太息應憐弓冶墜箕裘

詩註永公嵩之奪情之罪固干清議其弟巖之薦秋壑誤
國尤甚

陳侍郎講舍

句餘土音詩

詩話陳侍郎習菴再世居同谷諸孫卽分散見袁清容集
今山中陳氏托名冒之非其後也

少受文元學長荷文忠知並承兩家傳高座光其師

侍郎在慈湖先

生門與袁忠肅公齊名而省試第一出西山先生門

風姿眞天挺造詣尤淵微本心所

不安寧爲舅氏羈

謂史王

歷官諸實政震蕩人心脾同谷山水

四明談助

卷四十一

三十七

秀涵泳入聖涯尊明亭兀兀觀聚齋怡怡而今孫枝散空餘

雙闕楣連薨三講舍

謂深寧東發二講舍並在是山

茂草共離離

同谷三先生書院

書院未建謝山先生豫爲記載鮎埼亭集節錄于後

宋乾淳後學派分而爲三朱學也呂學也陸學也三家同時
皆不甚合朱學以格物致知陸學以明心呂學則兼取其長
而又以中原文獻之統潤色之門庭徑路雖別要其歸宿于
聖人則一也吾鄉前輩于三家之學並有傳者而陸學最先
楊袁舒沈江右弟子莫之或京楊袁尤多昌明之功顧其大
弟子自袁正肅公而外陳侍郎習菴其最也嗣是則王尙書
深寧獨得呂學之大宗深寧論學蓋亦兼取諸家然其綜羅

文獻實師法東萊况深寧少師迂齋則固明招之傳也朱學則巴陵楊氏之傳授之史公蒙卿而黃提刑東發又別得之遺書中當是時甬江學者鼎撐角立雨戴笠宵續燈互相過從以資攻錯書帶之草異苔同岑其亦盛矣城東之四十里有同谷山其陸有寶幢河右枕大涵左股太白水木明瑟四明東道之絕勝也習菴世居于此而深寧先壠在焉故其卒也卽葬于此東發亦嘗避地其間踰二百年而爲先侍郎之賜塋是則予家父子兄弟多讀書山中者先世有草堂三曰瞻雲館曰來鶴莊曰育阿王山房今惟瞻雲無恙先公嘗于其中翦紙爲三先生神位令予祀之予因請改作三先生書院配之以先侍郎而以其餘爲學舍古之學者必釋奠于其鄉

四明談助

卷四十一

三十八

之先師予家父子之行此亦猶行古之道也

勾餘土音賦四明土物

南昌萬孺廬編修以書來問吾鄉金子瓜

同谷有佳釀厥貢惟三品

產同壘形如西瓜而小其子有黃白黑三色

將無瓜子

金靈胎所互孕盈盈初破時如鑛紛出筭不遇湛然翁馬頭

亦泯泯

耶律湛然集中賦馬頭瓜

行宮山

玉几山西相傳吳夫差滅越之後建宮于此左卽寶幢

敬止錄

今稱橫壘

高隱學字泰居此山自稱爲宮山舊逸著七美見敬止錄

省壘山

東與橫壘相連亦稱省窰山嘉靖志云邑鄮時嘗作陶于此故名

李氏大倫堂

李儀部桐墓在省窰丙舍曰大倫堂有記見杲堂文鈔

李杲堂竹枝詞

昔年負土起墳墻手植青松尺五長伏臘山中藏素豆遺民

多聚大倫堂

先儀部公諱桐墓在省窰山祠曰大倫堂

鄮溪橋

橋北有史氏鄮溪書院見曹志東卽姜皇后橋石上刻龍鳳紋

水竹灣廟

四明談助

卷四十一

三十九

在鄮溪橋南懸洲中廟西向臨河遠近祀戶甚衆郡邑志俱不載不知祀何神斗門橋來水由此南行歸雲龍磯

金塘

在省窰之南懸洲中聚居多徐姓自稱茶樵公硯之後近時有徐文明者以務農起家稱殷戶好行善事自河口至同窰修補石路建石亭三楹供佛施茶水以憇行人

施眾莊

大涵山下河水汪洋多懸洲舟行過此易錯悞人稱亂繚蓬港施眾莊爲育王水口第一洲多陳姓恐是石亭陳沂之後

雙峯山 稽家山

一山兩峯高出衆山之上俯視稽家山祇及其腰山下皆吳

傅二姓南對五鄉碑

五鄉碑傅氏

傅氏聚族數百家明時進士四人舉人一人見鄞獻表

傅杻景泰丙子舉人長史 傅金成化壬辰進士 傅乾宏

治丙辰進士 傅文藻嘉靖壬戌進士主事 傅光前萬歷

己丑進士傅見後

傅招討休

字君德孝友謙謹博學工文由郡庠貢太學歷任四川招討司年方強仕念母老歸里奉養遇隣里貧乏多方周卹孺人李乃侍郎堂之從孫女奩資饒裕當析箸時公不忍同胞頓分肥瘠乃廉公產十分之一而自構屋于祖居之

四明談助

卷四十一

四十

東于是兄弟二人得以安心課子嫡姪吏部光前聯捷南宮封君簡菴公文淵得優游嘯咏以壽考終公著述有花

月吟幽居稿

三補耆舊傳

傅吏部光前

字長孺萬歷十七年進士授南太常博士南曹事簡日與周道登諸人講求象山陽明之學或中夜有得則秉燭起書會陳有年爲冢宰薦爲吏部驗封主事公聞命歸省郡邑諸司日遣人候諸關津將郊迎致贈而公已乘小舟從間道還家矣及蒞官簡賢絀不肖慨然以澄清爲己任卽冢宰意所左右亦不苟徇僅半載爲忌者所撼竟罷去家室蕭然如故

曹志

著傅子漫言星輶玉笈

夾塘吳氏

吳勳卿宅在五鄉磬夾塘宗族甚盛全謝山族望表以光祿公與布政福知府桓太常惠牽合三族爲四望誤是爲先生未定之書今已妄刻行世

光祿寺卿吳公禮嘉

字會之萬歷八年進士歷監察御史時國本論起臺省俱具合疏諫公方出按宣麻臺中知公同志并列其名遂俱賜罷家居與周文穆全學士諸公爲雅集賦詩形于圖畫一時傳之泰昌改元錄建言得罪諸臣公已前卒贈光祿寺卿所著太白樓稿行世者舊傳語有誤見第十六卷全學士雅集詩跋

四明談助

卷四十一

四十一

吳先生應雷

字鼓和號青寰爲諸生家貧授經世居甬上凡甬上諸生無不出吳先生門者先生雖日爲諸生論說治經生業然几上獨置杜工部集每歲以反故紙立一冊凡有所作輒書冊中有事則藏諸巾箱方去久之先生故人子及諸生與其子謀俟先生出竊發其巾箱視之則其所作詩草也因各取一冊疾書之仍置箱中然終不以示人去先生二十餘年余始錄甬上耆舊詩適允誠出宿錢氏錢氏賢者二咸戒三卽先生故人子因出向所抄詩數本夜讀之中有經吾友錢退山點定者允誠爲驚喜錄百餘首來賞歎彌日卽余門中向與先生往來者聞其能詩俱大詫不信

嗟夫吳先生誠異人也雖然先生身後甫二十餘年侯芭尚在已有能讀太元如桓君山張河間者吾知先生更喜過望矣耆舊傳

李杲堂竹枝詞

手持寸管問蒼旻不怕當頭五帝嗔僻殺江東吳教授不

容人喚作詩人

謂吳先生應雷首二句卽述其言

五鄉東西碶

縣東三十五里陽堂鄉卽回江東西碶後因定海知縣宋繼祖別築東岡碶而廢回江二碶東岡去回江數十里水行紆遠若連日淫雨暴雨壅至不能驟洩東七鄉之田往往成巨浸而民告饑矣今宜慎修大石橋碶而于王駐洋之周家堰

四明談助

卷四十一

四十二

四都之楊木堰各設碶以補回江之廢則七鄉之水不爲災也聞志

附東岡碶記

嘉靖間邑令夏儒興東岡之役而五鄉之防可緩第五鄉二碶洞有十東岡併而爲五水漲不易洩而民病潦並石碶三里許有木碶七洞則鄞助定役爲之萬歷間河水溢東岡碶尋築壞邑令魏成忠力肩厥任悉心料理視舊制而增之爲洞共十有三堰成買田三十畝築室募僧居住題爲永豐菴令僧看守是碶務使蓄洩得宜事見萬歷三十三年沈蛟門記并府帖詳載敬止錄張東沙記知鄞定二邑申文本府帖文亦載敬止錄 二碶鄞碶其東鎮碶其西今皆石砌增田

十二畝係江口漲塗見錢志道光初鎮人將礮更徙出湖水全收其利于鄞有害必當改正復舊

棟塘

在滙緯橋東數十步初李棟塘先生以砌街大宅讓諸弟自居東臯艸堂遶屋鑿渠遶渠築垣手植二棟于塘上曰棟苦木也吾以示子孫姚涑有記傅頤有賦諸名人有詩合一卷

李氏耕讀堂

在棟塘後昔櫟軒先生命子孫以耕讀每春日草堂束帶課耕嘗自題于壁曰四子之資有宜耕有宜讀五畝之宅半在邑半在田子棟塘分居于此因題斯扁李氏世譜舊聞櫟軒棟塘以下傳俱見砌里車橋二第下其有未遷者錄于後

四明談助

卷四十一

四十三

屏麓居士德允

字子中少峯第三子側室車孺人所出自幼氣質端莊少峯公極珍愛以棟塘舊宅盡授之新置車橋宅授伯仲兩子居焉居士既修孝行復敬事二兄克全天倫至性早歲得羸疾年不及壯而卒宗黨惜之少峯係侍御之子

澹園居士禾

字維嘉禹海德復子諸生性瀟灑淡于名利在棟塘側面水佳處築爲別墅繞徑栽花沿隄種竹日與山僧野叟往來杲堂先生過其居贈之詩有云回輿知栗里對字見龐公者也俱李氏宗譜曾孫昌國乾隆辛卯歲貢

豐人翁題李六峯侍御鄮峰草堂

落日浮窗白凌霄入院香酒醒初覺暑天曉細生涼策蹇
陪驄馬談元叩石桑豈無家可念身世兩相忘

李六峯自題耕讀堂

吾家世授有遺經五畝東田束帶耕盤谷新秋香稻熟墨
莊深夜短檠明門迴綠水懷先澤坐仰高山得自名祖訓
須知栽苦木人生勤業豈無成

李杲堂竹枝詞

舊築茅堂傍鄧峯但當花信日扶筇行人盡愛先生宅三
派河歸山六峰

謂先棟塘先生隱居

立揮珠玉萬言來不數開皇杜秀才莫羨詞華真掩世還

看風節表蘭臺

謂先侍御公循義

四明談助

卷四十一

四十四

迴江傅氏夾塘吳相望門高接敞廬張陸合依雙陸住朱

陳本聚一邨居

人稱吳李傅爲鄧東三大家

山水東鄉足快遊石溪佳句一聯抽輕便度嶺雙肩轎小

巧穿橋獨櫓舟

後二句陸石溪先生銓詩

客來定說訪天童小白河干緯路通每過吾門常指顧一

船吹滿棟花風

謂寒家棟塘

滙緯橋

橋東水路兩分東南抵大涵山東湖小白等處東北抵下莊
同畧寶幢等處乾隆丙子虎攫舟子事見後邱隘殲虎記

斗門橋

在鄧溪橋西湖水灌鎮邑田自斗門橋而入由紀家橋石躔

頭而至東岡之黃滿堰可十五里其右自新橋支河而入由湯家巉龍山下鍾家橋而直至竿山尾曹志五鄉磳北諸水俱昔之小浹江分支

小浹江

鎮邑南十二里自竹嶼山海口分泝爲支江西行六十里抵崇邱東岡磳下曹志山名東岡卽以名磳沈蛟門東岡磳記已節錄五鄉磳下

淨嚴教寺

鎮南三十里崇邱四都練盆山之下漢乾祐二年建宋治平二年改名今額曹志

以下詳陳山脉西南行至萬齡鄉等處

四明談助

卷四十一

四十五

鄮山脉分支界于小浹江其正脉自同畧魚山東北延丁家山靈峯山逆上姚嶼畧山渡江起陳山西行經石門山龍山北至楊木堰梅墟南經上王下王新城廟寶林菴等處至新橋西過塘河再南行至上下萬齡鄉橫涇邱隘東宅等處水俱由黃楊橋西南行經姚村達雲龍磳

陳山

鎮邑南七里絕頂有白龍潭天欲雨白雲起山巔作覆帽狀將霽嵐氣出山腰如環帶邑人以爲占候曹志

石門畧山

鎮邑西南二十里陳山在東龍山在西儼若二門故名曹志

楊木堰

曹志尚祇載堰未嘗有碑建碑年分無攷乾隆四十年知縣周樽重修錢志

梅墟石塘

按明洪常記稱按察使朱公咨諏鄉老因而籌建功始成化五年成于七年考朱公名紳字公垂河州人以天順中巡督海道意其時所咨鄉老卽錢方伯璉通志稱朱公興學校築海隄立義冢賑貧賜藥名譽卓然明州循蹟所宜補紀也錢志

范東明記并梅梁故事見四十二卷三江達海下

梅墟陳氏

甬上族望表菊坡陳氏自閩中來居梅江文懿公第一清敏公第二共二望今其後微

四明談助

卷四十一

四十六

陳氏世綸堂

梅墟陳文懿公居仁子清敏公卓所居父子掌綸誥卓以賜金創堂因以世綸名嘉靖志言御賜名蓋誤也聞志

黃南山撰重建堂記節世綸堂者梅墟陳氏承先世之基構重光遺業也按宋史傳太師文懿公爲中書舍人時直學士洪邁典貢舉廷命公攝其事孝宗曰內外制向委數人今陳居仁獨能辦官欲擇人信非虛語此文懿公掌綸誥之實錄也後清敏公官翰苑淮安李全叛公草詔有曰此更生之恩也何負汝而反耶又曰狐假威以爲畏己犬吠主傍若無人三軍萬姓聞之泣下此清敏公掌綸誥之實錄也端平初清敏公與真先生德秀同登省府十閱月而公歸田庚寅之災

公罄翰苑賜金創堂名曰世綸以著女子世掌絲綸之美晚
靜蔣尚書指而言曰此金屋也至今人傳以爲盛事粵自拱
平以來期三百餘年堂燬而遺址猶存某復建堂于上請記
重興歲月予攷禮記子云王言如絲其出如綸王言如綸其
出如綉皆所以形容王者之不可易其言也臣而居代言之
職不亦重且要乎故唐人名翰苑曰鳳皇池而職翰苑者掌
絲綸茲二公世掌絲綸不謂之世綸而何今某氏復構斯堂
不惟重光先業實有光于子孫百世繼繼承承而不替也因
爲之記以詔來嗣云

太師陳文懿公居仁

字安行其先興化人父大府少卿膏娶慶元汪先生女因

四明談助

卷四十一

四十七

家焉大府爲御史時四明有僧法恩謀不軌得其籍從附
者餘萬人朝議將屠城大府力爭止殲其首而在籍者俱
免公登紹興二十一年進士虞丞相允文見而奇之欲與
論兵謝不能退而貽書謂有定力乃可以立事若徒爲大
言終必無成幸成亦旋敗允文爲之色動歷禮部郎中出
知徽州治行卓異爲孝宗所嘉遷起居郎中書舍人上言
慶赦之弊帝嘉納之後以華文閣直學士終謚文懿著有
奏議制稿詩文雜著公性孝友其在官奉其叔父及甥妹
以行爲義莊以瞻宗姻舅汪大猷以學士致仕公暨直學
士樓鑰皆汪出時人榮之稱爲甥舅三學士云

曹志

諸奏議

政績詳宋史本傳畧見聞錢二志

樞密陳清敏公卓

字立道太師居仁子壯歲登進士第官意泊如也守江州寧國有清白名其守寧國也以中書舍人補外道由臨安史丞相欲見之公謝不往丞相益器之由是爲翰苑官李全叛褫其爵詔書至淮人益自勵太廟災下罪己詔京師感動皆公所草也端平二年爲簽書樞密院事未幾勺祠還里平生不營產業以贊書所酬金築世綸堂退居十有六年卒年八十有六謚清敏著有玉堂制誥菊坡集將葬事不能具丞相吳潛聞之貽書制置使以助子定孫侍祖父力學孝謹出處進退每怡色以告方其父之歿也一時朝士皆後進爲之力請于朝乃得謚亦以耆年終

延祐陳志

四明談助

卷四十一

四十八

西麓允平有賀伯父大資致仕詩見南湖參議第下梅墟陳氏至今科名不斷乾隆丙辰科歲貢濬嘉慶癸酉科舉人士林世綸堂後裔也

菊坡書院

梅墟陳樞密清敏公卓建

袁清容過菊坡書院詩

清敏公家有講堂堂前遺菊滿坡黃一庭晚節風霜古三徑秋芳雨露香詩禮相傳追闕里壺觴獨酌仰柴桑我來不是談經客笑挹清芬坐夕陽

梅墟錢氏

甬上族望表梅江錢氏行太僕卿璉一望

太僕卿錢公璣

字廷珍父象爲建陽典史鄧茂七反犯所治象率建陽民壯擊却之有媚其功者譖于監軍曹吉祥遂逮治公扶父聽鞫鞫者詈之公曰父子天性也豈有父受枉而子不侍者乎鞫者見其幼卽以父子主恩命題作七藝公立就鞫者歎曰象有子如是何必爲此卑官遂白其誣後登景泰五年進士除監察御史歷雲南江西按察使遷福建左布政使所在有聲以忤時相遷甘肅行太僕卿厩馬蕃息邊兵用是以強孝宗初尚書王恕將舉公適考績入京道病連章乞休人皆高其勇退公世居梅江瀕江田多苦淹沒公與兄珪首捐貲創築長隄計二百八十丈被其利者三

四明談助

卷四十一

四十九

邑七鄉民稱曰錢公塘珪亦好義嘗輸粟賑關西階承仕郎聞後裔澇字思正嘉慶間歲貢 太僕卿錢公致仕楊文懿公作序以賀之見文集

春酒堂詩話舟過梅墟錢象元留飲予噉蟹甚暢戲舉筆題詩曰華筵能及蟹酒興十分開染醋忘雙箸橫螯响一腮肥知天晦月寒擬腹鳴雷但脩多薑在秋深準再來時醉矣次晨驚笑無異打油然于噉蟹情狀可云描盡附此博笑

梅墟徐氏

徐梅江先生禹圭

字天錫其先奉化人父景山宋末辟監酒韓畧坊遂家于鄞先生甫齠齻有成人志弟與禹疇皆刻勵好學家貧無

書畫抄夜讀雖躬耕隴畝弗倦于勤奉化汪元春出于黃忠肅公勉齋之門先生與弟從之自相琢磨治舉子業嘗兩中浙江鄉試以母老不仕晚年教授鄉里其導人專以收放心養德性爲本程畏齋歸老于家相與討論默契心融生徒從者遠近如歸年五十七卒門人會葬者因其里居私諡曰梅江先生弟禹疇字天彝值元季隱居泉石講學訓徒垂五十年弟子有三世從之者爲人沉靜寡欲居家務敦孝友雖窮約屢空未嘗疾言遽色卒年八十四從孫本原亦修隱操工詩有集曰思剡

聞志參曹志

徐教諭仲修

梅江先生禹圭子也與其從弟仲端自相師友講明正學

四明談助

卷四十一

五十

以淑後進洪武十六年辟授建陽教諭弟仲端幣聘上吏部受南雄府同知文學行誼爲時所重

聞志

後裔暄字霽輝

嘉慶間歲貢

龍山

鄞縣東三十里與鎮海陳山界狀如游龍故名東四明金峨發脉迤邐自南而東北轉西至此

曹志

世綸陳氏多宅兆

成化志

嘉靖志稱雙峯在龍山頂誤

小梅廟

縣東三十五里

嘉靖志

今名大新城廟鮑王行祠也

錢志

袁陶軒鄮北雜詩

梅山梅樹亘成墟是否當年梅尉居善慶橋邊大新廟安孫

底事又新除

相傳梅子真隱于此有祠舊祀于真成化志載宋陳安孫死鄉人遇于東海云吾爲境主遷祠善慶橋改額大新事殊不經今里人仍祝子真云

寒菊宜霜晚更新掖垣再世掌絲綸阿咸老去營西麓不媿家聲故國臣

參議允平清敏猷子也宋亡謀翻城僅而得免見清容居士集蕭蕭寒菊晚宜霜參議壽清敏句也見西麓小稿

寶林菴

縣東三十里明宏治間建舊名新橋

國朝超德重修

聞志

寓公周布衣西

四明談助

卷四十一

五十一

字方人學者稱勁草先生定海衛人居廬江丙戌以後棄去舉業以教授奉母時往來鄞之寶林多從之遊者己亥海師大掠鄞之東鄙先生奉母逃深山中猝遇盜盜見先生母豐碩以爲富家姬用火薰之以索金先生抱母大慟撲滅則火願以身代賊遂揮戈斫其右之將指幾殊旁一卒曰是孝子也乞舍之以是得生自是作書甚苦先生于經史皆有圖解論說于唐宋諸大家皆有抄所稱勁艸亭諸編者也而生平心迹所寄尤在防秋譜一篇防秋譜者世俗鬪牙牌之戲也其中有所謂至尊者諸品皆不能抗先生增置其色目自天地外帝王將相四民下至草竊之徒皆有之而更以處士爲至尊有時也事多端天地帝王

皆不能支獨餘處士以持殘局而兀爲中流之一壺先生自爲之說其文甚奇周鄮山見之曰此胡文定公春秋傳也鎮人乞先生修志書成請署名力拒之所著詩古文曰痛定集鮚埼亭集墓版文寶林高弟曰方伊蒿先生嘗欲以遺書付之未及而卒存于伯兄家已而伯兄亦病亟貽書伊蒿令其取書以去既至伯兄又卒其子勿與己而鬻之他人伊蒿百方覓之不可得矣續者舊傳

句餘土音擬薤露詞

防秋譜

周秀才打牌

聖王御八極巖谷無逸民世道一以衰橫議始紛綸吁嗟此處士或以靈鳥珍或以怪鳥嗔正以怪故靈肉眼難具陳桐江一竿縣漢鼎所以新栗里五株柳晉祚所以存試問諸肉眼果然尊不尊不見王者香必自幽谷聞乃知周郎譜有見非不根

詩話方人先生防秋譜甚奇其謂天子不足稱至尊獨處士足以當之有感而言非妄也

方布衣伊蒿原名劬以字行周丈方人流寓吾鄉其素心皆在東臯之寶林而布衣其渠也錢丈退山稱其古詩有足當詩史者布衣後人甚微東臯詩人自補堂惺齋後當推布衣今無矣夫續者舊傳

勁草先生與周乘六書慰貧鬼文俱載續耆舊集

附寓公李嘉禾傳

李嘉禾國標字君龍學者稱爲梅岑先生奉化人積學敦行由明經知湖廣嘉禾縣流賊方訏不得有所爲在官八十餘日投劾歸明亡閉門著書已而山寨大起遷居郡城之東十年事定乃歸別號明麓逸叟年逾八十幅巾深衣里中推爲耆宿所著有五經圭羅考讀史等書南湖九子之集隱學蟄菴杲堂皆致書首延入社續耆舊傳傳互見奉化三石村下

李嘉禾集序 見杲堂文鈔

新橋

縣東二十七里馬晟建菴于旁曹志陳山脉過河水兩分東行

轉南歷萬齡鄉歸雲龍碛西行轉南歷邱隘東河歸雲龍碛

四明談助

卷四十一

五十三

萬齡尚書村

縣東萬齡鄉權工部尚書范楷因言史相掩護李全罷歸卜

居于此至今稱尚書村聞志

范尚書傳見冷靜街宗祠下

橫涇陳太守宅

陳太守本深

字有源永樂初由鄉舉入國子監授刑部主事善發奸畿內盜殺人亡匿有司繫無辜十八人于獄公以計獲盜十八人皆免遷員外郎宣德五年受勅知吉安府吉安多豪強好軒訟巨猾彭搏等十九人橫里閭公密道人與相結爲具召與飲伏壯士後堂拉殺之皆掠其屍以出一府大

驚樂安大盜曾子良據大盤山衆萬餘公設伏大破斬之爲政舉大綱不屑苛細大猾旣殲府中無事間有所訟呼至榻前析曲直遣之久之民恥爭訟尤折節士人飭治學宮奏新先儒祠廟正統六年滿九載當遷郡人乞留詔予正三品俸廨前民嫁女公聞鼓樂聲笑曰吾來時乳下兒也今且嫁我尚留此耶遂請老前後守吉安十八年旣去郡人肖像祀之

明史本傳

陳文學孔義

字仲德太守本深之孫爲諸生勤于學問性慷慨不羈善作水墨畫生八子各有所傳而能畫者三長子猷字莫之有雋才工詞賦與文待詔徵明相契以鄉貢教諭海豐好

四明談助

卷四十一

五十四

畫驢極其生動有僧乞畫輒畫一驢與之不施韉韉或謂僧曰爾慢陳君耶何以禿驢相謔次子勤字補之究心天文地理之學善畫牡丹松鶴以歲貢爲費縣訓導性篤孝友撫亡弟寡婦孤子甚摯四子恭字安之積學勵行教授鄉塾善畫葡萄松鼠世多珍之豐吏部坊每喜題識其上

聞志

李杲堂竹枝詞

循良太守史書傳臥治螺川十八年鄉論自來聞最重生歲歲坐賓筵

吉安太守陳公本深歸老在賓筵者二十四

勾餘土音賦橫涇陳氏牡丹

詩話陳太守本深明初諸賢牧之一也其牡丹自官署

來至今猶存世稱魏紫葉多至七百陳氏之葉幾三千焉

甬上牡丹誰最壽吉安太守擅名家三千葉較魏園茂四百年逾故國賒洊歷秋風長不老每逢春信又天涯今朝望月遙稱慶擬到花期去看花

鄞山周容陳公祠牡丹記

見春酒堂集

邱隘邱氏

甬上族望表萬齡鄉邱氏孝子緒諸生鳳英中書舍人子章三望

邱縣佐鏃

東厓子邱鏃正德時佐長汀縣宸濠之亂副使周期雍發

四明談助

卷四十一

五十五

汀漳兵討賊東厓亦分統一隊爲王文成公所獎嘗辯一冤獄夜夢神人相告曰賜汝東厓之石因自號東厓子在官廉介僅載此石以歸邱氏子孫守爲世寶節錄聞志詳見後載石堂記

邱孝子緒

字繼充諸生父鑑娶余氏側室黃氏生緒而見逐改適江東包氏稍長語以母故輒歔歔年十五父卒事余甚篤余垂沒命之曰我死汝毋忘若母是時去黃改適已二十年杳不可迹夢人告之曰汝母在台州金鰲寺前次日入城遇一人問之則故包氏廝也試質之母乃知別適台州李氏卽往之台則李已沒無後仍不識黃死生掩泣道旁人

詢其故憐之日此間有王四老者以媒爲生倘知之乎導之訪王老則知黃氏復適仙居縣吳義官孝子復之仙居宿吳氏宅吳氏呼老僕問之漫應曰死矣金鰲寺前其棺在焉孝子以與夢合求一見棺中道有牛觸孝子墮溝其家駭而出問告以故其人曰吾向爲輿丁嘗輿一婦至縉雲蒼嶺下殆是乎孝子復之嶺下物色之有織屨者告曰去此三舍有陳姓老婦乃寧波人孝子如其言偃偃行見一嫗立門首探之寧波人也問所從來果合嫗亦問邱氏消息乃相抱哭時陳翁老無子并翁迎歸養之外舍翁卒迎母入室率婦子奉事甚至縣令疏其事于朝詔旌其門

詳張東沙邱孝子傳

四明談助

卷四十一

五十六

邱文學鳳英 傳失

句餘土音擬薤露詞

梅邊祭 邱秀才臨終

廬陵大丞相曾傳生祭文大司馬胡不聞一死能教雪舊氛彼牖下豈長存可憐大布衣垂死猶諄諄

大丞相謂文丞相

詩話邱秀才楚英名鳳霄少與邵尙書輔忠同學其後顯晦分而志趣亦殊丙戌之夏秀才將死問侍者邵尙書能判一死否猶可晚蓋也言之者三而卒

中書舍人邱先生子章

字含三又字梅仙生而性異甫九歲卽能援筆成文已爲諸生遂與里中錢忠介王太常齊名邱氏世爲右族有徵

君緒以至孝名沒而未葬幾百年先生身爲負土植松柏以文哭之俱推先生義至高先生嘗客吳中吳太史偉業置酒大會名士置先生上座且徧語諸公謂邱先生吾父黨自起行觴執弟子禮甚恭先生以是名益重然竟不得一第其後以薦授行朝中書舍人丙戌以後客林厓山中與人授經日望太湖對縹緲峯歷二十七寒暑始歸歸而先生年已七十矣適里中諸先生方有耆舊集聞先生歸甚喜爲虛左招先生先生念故人爲欣然始一入城鬚眉巾杖觀者塞路未幾先生以疾卒于家著有萍槎咏過客

吟

杲堂文鈔參續耆舊傳

邱文學棟隆

四明談助

卷四十一

五十七

字于渭少喜學詩古文詞不屑屑舉義性任俠重諾壯遊五嶺之外年三十餘始爲諸生更折節讀書邱氏居東臯世與名族聯姻往來多貴客而君惟與李隱君杲堂董司農次公文最善李氏有草堂在東臯君每過輒登右閣遙望太白諸峯或魚生鱸長菜甲初肥杲堂爲之置酒相招懽呼爲樂有時城居君入城相訪杲堂居城東次公居城北君流連此兩家數日乃去至己亥之夏有大帥提兵至郡君避不入城而海師忽奄至縱兵大搜牢殺東鄉萬餘人君亦遇害語採杲堂文鈔

邱文學允玉

字蘊生一字惺齋其詩婉潔蒼秀時李文杲堂村居在萬

齡鄉故于諸邱最睦而于惺齋唱和尤多惺齋嚴事之友于同里爲退山隱學方人淮上則張丈力臣皆尊宿也少年本擅膏腴故證山稱爲錦里中人能吹長笛善飲酒晚景困甚然興致不減其時萬齡鄉之風雅甲于城東惺齋沒後漸以衰矣著有大雅堂集

詳續者舊傳

邱明經承嗣

字吉士貢生體弱若不勝衣而才情橫發以善病絕意進取家素饒數遭兵燹遂中落然好客不倦所與詩酒往來多高人逸士時甬上有六才子之稱君其一也所居距周丈鄮山家十里兩人尤稱莫逆廳事前有三古樹與弟珣設雞黍邀諸同人日哦其下族弟克新字吾鼎潛心理窟著太極圖參解通書契抄其八風應律圖海潮應月論多前賢所未發詩賦亦清剛秀麗橫絕一時而以貧依人老于幕下採曹志

邱鉅野克承

字紹衣一字艾軒成童時海寇入境從兵刃中負其祖母出逃人稱其孝康熙八年登賢書授義烏教諭陞鉅野知縣舊時審丁止憑吏手得恣意爲奸公逐保按籍閱視得實夙弊遂清縣素多盜有曹州李姓號王天鑽者爲盜魁身不出境而羣盜倚爲巢窟捕尉莫敢問乃于元旦出不意擒之餘黨次第翦除隣境俱安以卓異薦旋得疾卒著芝源集

詳曹志

同族學劬號東河乾隆丙子舉人由處州松

陽教諭歷廣東南澳同知陞江西臨江知府令沅乾隆甲寅 恩貢令淦肇域嘉慶庚申同榜舉人

邱隘三樹

聞蕊泉有記載聞志錄文學惺齋古樹詩序于後

余家草堂古孝子宅卽東沙張大司馬載于郡志者一柏位中兩松夾之因歲久忘其移植所自先大父卜居于此鏤根洗骨更延古意屬四方嗜奇諸公寵以詩文誠彬彬乎不朽盛事矣漫綴四律于後

詩未錄

李杲堂竹枝詞

小築曾居邱氏村蒼髯三樹看拏雲春風嘗約扶藜去掃

石先披孝子墳

邱氏草堂有三樹爲宋時所植孝子名緒見東沙集

四明談助

卷四十一

五十九

邱氏載石堂

杲堂文鈔記 余家東臯草堂與邱氏鄰吾友邱鹵上所居益相望鹵上四世祖東厓君鏃字仲穎而東厓則其後所號也君在武廟時爲閩長汀少尹適宸濠反王文成公舉義旗檄諸道合師討賊惟閩中觀察周公期雍提汀漳二郡兵至君亦任爲將王公檄獎曰漳南不滿旬提義兵八千馳一千八百里先諸道而至同時將吏忠義可嘉君亦在其列焉時王公已用江右諸郡兵摧鋒大破賊臨江郡兵爲多而君父珏時爲臨江之新喻少尹亦從在軍君至馳赴軍門曰某父憊不能任兵某請以身代得任驅使王公壯其語許之及王公遭讒所上江右戰功賞俱格不

行况君在下僚更無爲錄之者此王公所爲拊膺而太息者也居爲縣時平臺使者嘗使君治獄君出適有兔起伏門下不動君曰兔入門爲寃得無有寃耶已而訊其事果勢家子破其財數從故僕家食僕遂誣以奸殺人論報君卽日白其枉狀是夜夢有黃衣神謂君言賜汝東厓石詞曰爲臣盡忠爲子盡孝始終甲子循環天道君寤而記其語次日行視巴河倉見道上有石窿起馬躡不前君命石上鑿之得方石高尺半徑三尺餘中有若印穹起一寸方二寸古色濼濼然君愛而藏之因自號東厓子焉君在官貧不能爲歸裝至是笑曰陸公紀罷官載一黃石吾今得治裝矣卽日解官載石歸夫方宸濠舉事君從周公冒大

暑疾趨二千里遠赴國家之急復身請代其父環甲聽軍門指揮君子忠孝已兼盡之矣而世無復表其事計君生平惟此一片石可與語耳君旣歸手叙其事示子孫且謂夢語冥昧慎勿以語人君沒後諸孫日富盛嘗有胡僧造門見石驚喜手摩挲穹處顧座客曰其中有篆書十六字是家當以忠孝世傳胡僧徑去諸孫聞之大驚立出公所藏徧示客始知夢中語益信而君孫南橋君已起大宅甲諸第更迎其石置中堂以君嘗自擬陸公因名之曰載石堂自去君適六十年甲子一循自後南橋君諸子孫更讀書多爲名諸生時燕集斯堂余顧謂鹵上曰斯堂之成復五十餘年諸君第勉之無忘忠孝甲子行再循矣因爲之

記

學樊堂

儀部李韋菴櫚別業在邱隘子鄴嗣有草堂近集自序見
杲堂文鈔詩俱七言律凡五十八章見杲堂詩鈔後杲堂
徙入城居以草堂貽女美蘭事詳杲堂文鈔

邱隘虎患

樗菴存稿殲虎記節 邑東太白山綿亘至明堂壘岡阜深邃
約十里然向無虎患惟乾隆丙子自春迄秋虎傷人至百餘
山中居民屋脊多穿空虎從空處入負人而出一家或未之
知次曉門戶如故怪久不起挾窻視之惟血漬牀席間州縣
責獵戶收捕一獵者善刺虎聞此虎異甚夜攀高樹持火器

四明談助

卷四十一

六十一

以俟覩二虎渡溪來將舉銃忽更有一虎從樹後騰上撲其
人墜地分食之由是他獵戶多不敢入山山民日未落卽閉
戶防衛虎惟食犬十里中犬聲俱絕乃下至平陸適二人拏
舟至滙牽橋一牽纜行一挾舵坐舟尾舟橫于橋牽纜者回
視舟尾無人疑昏睡隨水迹之至橋側衣服如蟬蛻然麥隴
血痕歷歷而絕不聞號呼傳者遂目爲神虎浸淫至東郊邱
隘其地距山甚遠民謂虎必不至此有十餘人夜截流而漁
前二人各繫巨綱分兩岸行餘人以手挽之虎突自林中出
攫西岸前一人餘各奔迸被攫者巨綱猶在腰後曳大綱橫
水中虎負人并牽綱行奔者抵家集村民數百秉炬持刀叉
噪而追之虎爲網所掣行稍緩見追者衆且近置所攫躍過

東岸岸傍有糞厠虎陷厠中窖深猝不能出追者合力排厠
椽棟瓦石交積虎背虎負重猶昂首欲上刀叉攢擊則復俯
歷一更許竟溺死糞中出而觀之灰質黑章小僅如犢二虎
不知所往其患遂絕嗚呼此俗所謂神虎者也

石池廟

在縣東十五里橫涇分祀鮑蓋旁祀里人夏文文宋季人世
居廟北捐貲修廟工竣而逝里人因祀殿側屢著靈異明
陳本深有夏公靈跡記錢志

以下詳陳山脉由梅墟西南行至姚家浦等處

陳山脉自梅墟再西行轉南過塘河歷曹隘殷隘再西南行
至高塘頭泲陸下應姚家浦等處其過塘河分水東行轉南

四明談助

卷四十一

六十二

者由邱隘西河歸雲龍硯西行轉南者經殷曹隘西河歸蕭
臯硯

化城菴

在盛店橋郡人以道殣相望從浮屠法聚遺骼募資固尸其
中宋寶祐間吳僧德安攜二侶道錫自固禮育王至此同建
爲院外造石浮圖一座萬歷間重修敬止錄

李暘谷生寅詩

大河東去化城菴歷歷湖山隔水南斷塔似憐諸佛在陰廊
不見一僧參蘿花滿地香猶積竹笋穿門粉更含臺下野狐
閒白日一經吾自夜能談

曹隘 殷隘

二隘相連其先家世未詳乾隆壬午科舉人曹廷璉工于舉業門下甚盛以教學終殷氏東阿令宗輔族望表稱爲一望傳見後乾隆庚子科 恩貢生權子孫世學多諸生

東阿知縣殷公宗輔

字翼聖萬歷四十一年進士授東阿令甫至值旱蝗流莩相望公首先捐俸煮糜勸富室輸粟相助設厰七十餘所以便饑民就食全活無算先是民有流亡入淮徐者招歸千有餘人給以牛種立社學選名師以作士風卒于官民立祠祀之

曹志

高塘頭董氏

董氏先代未詳近世多殷戶有太學思宏者歷延名師課子弟其後人琅乾隆乙卯科舉人琳嘉慶壬戌科歲貢同族亦

多諸生

洺陸下應

陸氏家世未詳應氏詩人臬耆舊集重其名傳見後嘉慶戊午科舉人湘現任處州麗水教諭

應山人臬

字仲鵠性簡默所至必閉門埽席翛然人外初爲名諸生數試有司罷歸因薄遊三楚間嘗一弔赤壁望觀音巖瀑布再泛大江載酒上晴川閣俯仰間發爲楚聲一時詞人誦之已北上薊門遊長安諸公卿間無所遇而歸年未五十遂絕意進取世居鹿沙草堂種花澆藥與三橋李叟周

農半諸人相唱酬論詩仲鵠詩余僅見何山人所選及楚游烏溪諸艸爲文亦有法惜未盡得其集讀之耆舊傳

姚家浦

族中多販私鹽不安分今已歸正有殷戶友三諸生知重學歷延名師課子弟其後諸生三人武舉一人同族諸生五六人

以下詳陳山脉由一都西南行至蕭臯碑等處

陳山脉沿江西行至一都轉南至七里塾過塘河歷柳隘王家街四港三橋等處其過河分水東行轉南者歸蕭臯碑西行轉南者歸繆堰碑再北爲東郭已詳三十二卷

一都 七里塾

四明談助

卷四十一

六十四

一都戎氏七里塾周氏并葉千戶死倭難事已見東郭卷

柳隘 王家街

柳氏家世未詳近代歷有諸生王家街王氏族望表稱大禮王氏相一望傳見後

鄞獻表王潮宏治壬午舉人知縣 王相正德庚辰進士編

修 王杰嘉靖丙戌進士推官 王存仁嘉靖辛酉舉人知

縣 王應龍萬歷丙午舉人 王大道天啓元年貢士

翰林王介塘先生相

字懋賢生而資性絕人復嗜學博綜古今正德十六年中進士選爲庶吉士讀中秘書愈自勵茹苦若寒士嘉靖元年遷編修以議大禮逮詔獄竟死杖下年止三十七公豪

邁少尚氣節爲文原本六經而才更橫溢每下筆盈紙雖宿儒先生望之無不辟易學者稱爲介塘先生詳耆舊傳隆慶初詔加贈官蔭其子燠爲國子生曹志

王推官杰

翰林介塘之從弟師事介塘勤苦力學舉嘉靖五年進士任大名推官嘗署府事濬沐兒河盡除貴戚之壅水爲利者民不病潦又嘗署開州豪民號馬千頃者輿厚貨爲餽輒發其奸置之罪以治行稱聞志

四港王氏

與王家術同族族甚繁有遷于松樹下漕者有遷于大河橋者代有諸生四港王士林乾隆庚寅恩科舉人

四明談助

卷四十一

六十五

三橋李氏

三橋詩叟李瑋

字偉卿家在鄞東三橋里世學爲農能讀書舍北有古松二株可五百年物蒼髯偃蹇翠雨時滴叟父曰雙松居士其人長者喜藏書與名士交日嘯咏此二樹下旣生叟甚異居士乃發所藏書使學之作有韻之文輒得奇語及居士沒後乃思壯遊出門渡江歷黃河大陸抵薊門瞻仰宮闕與燕市酒人唱和逾年而歸家有先人遺田衣食裁給樓居凡五楹臨倚水竹中列圖書復于舍東剩地植槿爲圃構一草亭蒔菊數百本每黃花初盛輒簞白酒思與客共佳日又不肯作折柬招但倚東扉豎一竿如酒帘狀上

書曰酒熟花開高懷者來一時所周旋故人遂俱四集叟復云是花夜色更佳乃徧斃燭菊中行吟坐酌不間晨夕亭前木芍藥著花呼客亦如菊時足跡罕入城市閒居無事常焚香掃地而坐既年逾九十作七適一篇自言歷九百餘甲子而神氣不衰好學如故手定詩文名曰桑麻集性篤孝友與弟龍沙居士年德俱伯仲余君房先生爲賦耆友堂詩三橋詩叟則余所追諡焉詳耆舊傳

李杲堂竹枝詞

三橋詩叟有佳懷每到茅堂芍藥開但寫小帘門外插諸君有興看花來

蕭臯碑

四明談助

卷四十一

六十六

鄞東南十五里手界鄉二十都

聞志

李賓父先生自砌里故居

遷于此其別業曰自鋤園高臥樓

李賓父先生生寅

號暘谷爲人風儀修整性和雅不立崖岸善于微言每對客衆論沸起先生徐發一語四座盡傾好爲詩天動神來自然高妙俱謂詩如其人去甬江十餘里爲蕭臯在山水佳處家世有田一頃別業一區先生更起高臥樓讀書其中歲收秔秫釀酒旁闢自鋤園半畝遍植嘉草名藥間種蔬韭取供賓客同時名薦紳高士至蕭臯輒作數日留方去酬唱甚多有遺集行世詳耆舊傳

李思菴先生德豐

字子年賓父先生子也性高邁少負才氣常睥睨一世既傳家學喜讀李供奉集年十九爲諸生屠長卿先生大奇之贈以神鈎篇年二十更嗜杜陵每有所感發一寓于詩嘗以事忤某薦紳適先生作登東津城樓詩語有所刺某公因錄其詩示當事者遂坐危法中先生削籍乃杜門益自放命老蒼頭月釀清醕三石欵扉者非車馬客卽延入與共飲意至輒索紙爲詩詩成對客放歌時拔劍起舞客俱爲逡巡避席先生不顧也初長卿嘗語人曰子年意高忤物恐終以筆舌取禍至是長卿自客歸爲扼腕適沈尙寶雲將亦乘傳歸里兩人因共作竭楮書力請于有司白其寃竟得復諸生是歲試于鄉主者復謂其文太奇抑置

四明談助

卷四十一

六十七

乙榜愈拂鬱縱酒卒于家

詳者舊傳

李偉卿題蕭臯別業

竹護林塘水護田水生寒月竹生烟入門景物清人骨應有能詩李謫仙

沈嘉則自鉏園一首爲賓父作

愛汝年來事家園起自鉏井寒知曉汲坡暖得春蔬花雨蒙頭出松風灑面疎再須開一沼傍檻種芙蕖

又題蕭臯別業

林臯自有徵君業古磬何年別姓蕭路入清溪雙女廟天低綠樹鮑郎橋三家隣舍能供酒十里江田不用潮時世清平吾與汝不妨長此作漁樵

又竹枝詞

越王春水綠如羅
雙女祠前發棹歌
大宅北郊橫
鮑守野橋南渡接陳婆

青黃梅氣暖涼天
紅白花開正種田
燕子巢邊泥帶水
鵝鵠聲裡雨如烟

田小三郎唱得工
七姊妹花開欲紅林
靜三更鷓鴣月溪
腥一陣鷓鴣風

門前竹大笋成筍
江上潮來草沒沙
村童探殼綠梅樹
野艇撈魚紫棟花

東村西村姑惡啼
家家麥熟黃雲齊
春蠶作繭桑園綠
睡起日斜聞竹雞

四明談助

卷四十一

六十八

雨過高田水落溝
瓦橋魚上柳稍頭
梅子青酸鹽似雪
櫻桃紅熟酒如油

眞際隱者翼

字翰公原名珩子年先生之孫少傳家學工詩文晚年慕
曾大父賜谷山人風格頽然自放絕意進取專以書擅名
砌街舊業盡廢移居小白山中眞際菴因號眞際隱者養
志自修揮毫放縱以爲樂好事者常載酒就之身後乏賢
嗣繼起于是先世之風雅盡矣

李氏家傳

四明談助卷四十二

四明山脉謝山所稱江西南爲正派江東南爲支派者祇就東四明鄞江奉化江至甬江而言未及西四明之餘姚江慈谿江至甬江也以上數卷旣詳鄉城脉絡原委茲再詳東西二江東江一自連山剡源二水出奉化江亦稱蕙江有徐家渡黃刺史別墅張氏古祠吳山賀監舊宅豐清敏故居潘郎中石亭平野居士梵舍等蹟一自懸磁木坑諸水落鄞江亦稱蘭江有鄞江橋懸磁橋葑潭釣臺高尚宅葛氏舊居地藏殿响巖聞氏桂莊百梁橋聖壽寺元貞橋江口山等蹟二水合流爲芙蓉江南有蕙江分流入方橋稱爲裡江中有橫山厲山明心寺茅山芳春園宗室趙氏茅山張氏哺饑販許孝

四明談助

卷四十二

一

子居孫氏借竹樓東林寺廣目堂西延慶寺冕山走馬塘君子河臧春園胡家壩姜山姜山陳氏治平寺天壽寺四明寺黃燕山等蹟裡江水作三路出俱至銅盆浦與外芙蓉江來水會是爲甬江經東津浮橋至三江口與西四明來水會西江發源上虞菁江歷黃竹浦四明灘合梁湖通明下蓋湖等水出餘姚江橋經陸家埠再合後山北鳴鶴塲觀海衛諸水出郁家灣歷蜀山龍山丈亭前後江夾田橋車廐大隱城山赭山半浦鄭氏世家二老閣西渡新渡鐵沙滙灣頭等處至甬江桃花渡與東四明來水會合而出大浹江趨海有王駐洋宋高宗墮琴墮玉劉參軍敗孫恩龍驤將軍平田流夫差置甬東秦皇游鄞橫海將軍討東越皇甫處士蹈海元遺民

海巢海國毛女海鬼侮弄射龍將軍祀海上周生溺海蒙佑
諸事遞詳于下

蕙江

水出大晦山踰江口會于句章鄉三江口沙明卉香奄山原
而環之若帶嘉靖志連山水發源鎮亭山稱連山九曲經奉化
縣南出大橋剡源水發源剡界嶺稱剡源九曲經奉化縣後
出大埠頭俱落蕙江

蕙江鱮

鱮魚項縮而短色紅爲養極美海族志此卽縮項鱮也味極佳

鄞之蕙江時有之錢志

徐家渡橋

四明談助

卷四十二

二

南達胡家隴姜茅山等處北達江口它山等處奉化諸水出
來通蕙江跨江爲橋廿四洞每洞架石梁二有時斷其一行
者輒惴惴當楊文懿公作蕙江八勝記時猶曰民將橋之則
其成橋當在成化後矣

蕙江八勝

徐家渡 黃刺史別墅 張氏古祠 吳山 賀監舊宅

豐清敏故居 潘郎中石亭 平野居士梵舍

蕙江八勝記畧 楊文懿公集

吾郡之山鎮曰四明其泉分注于鄞與奉而鄞注者自石壇
踰它山奉注者自大晦山踰江口會于鄞句章鄉之三港口
而朝宗于海三港以上它山江口而下廿餘里沙明卉香奄

山原而環之若帶者蕙江也江有渡曰徐民將橋之未成當其收濤斂瀾晃漾天日舟人俯之謂若疋練新濯可剪而裳也渡之西北涯爲原厥土宜稼唐之郡刺史黃公晟墅于茲後盡施其田于比邱今之雪竇莊是也違渡一里有古祠世傳其神氏張諱麟云祠中芳樹離立朔雪披之若孔蓋翠旌冒瑤華而綴瓔珞也原之上有山名吳大江捷之鉅野躡之叩其首而蟠其尾時春雨初晴草樹鬱茂擁朝霞而凝夕靄邇者悅焉遐者企焉江山清淑之氣鍾于人而異材出茲土在唐則有秘書監賀公知章在宋則有禮部尚書縉雲豐清敏公稷皆百世士也賀公後徙剡川豐公後徙郡城皆墟其地豐公之墟民今僦而居之海桑之喻宜矣賀公之墟其洗

馬池僅存諺謂馬湖者此也二公之宅之地荒殘若此而人猶識其遺躅仰其芳風過之低徊不能去而富貴之家宮室池園之鼎盛曾不滿夫一晒况又下衰乎二公之次則有潘夢桂氏又其次則有王昱氏夢桂德修而學博發解爲第一累官刑部郎中今有石亭巍然在蒼蔚中其墓也昱富而文尚浮屠法號平野居士嘗構寺吳山中四簷霜白曙鐘益清邇破林籟遠混江聲四境聞而萬戶闢矣江山邱池宅墅祠寺皆地之因人而勝者也謂之蕙江八勝非耶今稷之後有曰慶者麟後有曰懷中者曰孚者夢桂後有曰嵩者昱後有曰洗者雖顯晦人殊而皆可稱道未爲無其人也嵩旣發解而歸乃與懷中者同游于山霏川靄間倡爲八勝之詩又將

求和于名公卿而先屬記于余余于古今興廢之變高山景行之思有慨于中者故不辭而記之

鄞江橋

南達木阮北達許家橋聞志前既詳奉江茲詳鄞江江橋上搭

屋廿四間可憑欄望遠它山堰橫截溪流怒水崩騰其聲如雷霆如千乘車行震動巖谷鄞江橋正當其衝度橋而東疾行如駛平如白練江中適有巨石撞激忽爲大車輪流轉洶湧而逝樓攻媿詩所云它山堰頭足奇觀百萬雷霆聲不斷正可于橋上觀之有時水落流斷則又碧如油明如鏡潮來波動風過漪生別有一番境界此中消息靜者自知

絳山嶺

四明談助

卷四十二

四

鄞江橋北沿溪西行隔溪望見巖石嵯峨間以竹木葱蒨卽絳山嶺也巖址漫溪溪北正對它山廟過嶺爲懸磁懸磁之水發于薛李兩畧其源數十里與環村大溪夾出落鄞江其脉注于懸磁故結一大村落

懸磁橋

北通鄞江橋南通木坑清秀嶺等處橋頭有閣上供文帝下可憇行人村中屋舍修整屢聞書聲風俗異于他處過橋轉東卽釣臺轉西爲木坑

懸磁

木坑之水發自清秀嶺來源十餘里至貓頭橋入大溪貓頭橋大溪之上流發自薛李兩畧來源數十里出懸磁橋落江

溪中多亂石流水至此恒有微漣清漪琮琤昔人評古磁云色如鏡聲如磬是水湛然鏗然有如冰鑑之懸秋也故曰懸磁

葑潭

懸磁葑潭其泉不及膝以竿探其葑泥可下數丈歲旱溪河皆涸潭水漫出滋田數千畝語載嘉靖志今見其地有數潭旱時水自湧上不竭其深無底是直無異于汾陽之漢酈道元水經註云漢水出汾陽縣南四十里平地開源瀆泉上涌大幾如輪深則不測俗呼之爲漢魁卽此類也

懸磁葑廟志

鮎埼亭集

懸磁何以名廟因懸磁之葑也懸磁何以名葑肖葑形也泉四明談助 卷四十二 五
深不及尺以竿探之自葑下可至數丈歲旱諸溪俱涸而葑泉湧不竭說者以爲葑以上如從空中懸磁者吾攷懸壺之山見于山經則懸磁卽懸壺之類皆取于象形歟廟之神爲誰殆葑神也

釣臺

林木高茂鳥鳴至清山谷傳響自舟中望之危厓崇竦離離蔚蔚乃在霞氣之表遊者自懸磁橋登岸橋下水聲潺潺撩亂落坡紛騰激白稍東突起一洲洲可二畝許水勢岐分盤漩頽疊而去直下卽鄞江也沿溪上山漸高漸峻下視壁立旁無依附山南爲外木坑土人以陶爲業白烟四布復東行上北陟岡頂卽爲釣臺基纔數武樹蔭周基下臨不測俯窺

心悸有大樹倚以遐觀紫陌青疇瓜分繡錯西望它山水出
洋一落江一落河各路奔赴蜿蜒曲折勢若游龍注視目眩
響巖隔一田畝去此半里

沈蛟門釣臺詩

落日扁舟訪釣臺青溪紅樹獨徘徊樵夫語我江天暗無可
久留歸去來

高尚宅

釣臺右爲高尚宅宅以賀監得名後爲葛都官所居至今尙
多葛姓聞志云唐秘監賀知章嘗隱于此舊有讀書樓後人
稱高尚宅遵明皇御製詩豈不惜賢達其如高尚心之義也
晚乃徙隱剡川故會稽志置秘監于寓賢之列

四明談助

卷四十二

六

葛氏世居

葛氏始於宋都官旺自處州來隱於此遂世居焉都官之子
度支暨度支之子主簿皆荆公爲作志見謝山高尙澤記至
明萬歷後葛副使仁美別建第於仲夏門前石鼓尙在今稱
葛家灣子孫頗盛又建第於縣治南之冷靜街榜眼世振建
第於紫薇街據葛氏子孫云副使仁美之先居高尙宅葛家
灣係評事文炳之宅與副使各派

評事葛公文炳

字星垣萬歷戊子舉於鄉授南城知縣宗藩率攫民取利
公至每謁益王從容陳其弊王感悟民藉少安縣俗尙鬥
狠多食山砒草自毒誣人公欲識其草乃召縣中父老取

以來既至公識其狀悉命除之訟爲衰止常乘一小輿行
阡陌間以時主水啓閉立義館使貧士爲鄉校師他治行
俱第一在縣六年遷南京大理寺評事以疾歸卒于里所
著曰甃園集詳者舊傳

葛觀察仁美

城居第在冷靜街

字無懷號海門評事文炳從弟萬歷庚子舉人初授撫州
郡丞歷遷廣西按察副使值交趾弗靖莫敬寬韋宗等三
犯邊疆殘破州府而安南都統黎維祺乘機請復王封乃
峻拒之仍檄黎扼莫吭而出奇兵以攻其背獲擒韋宗恢
復四土州黎莫遂各款關納貢復屯曠土謹烽堠又講明
倫理粵俗丕變以年老致政詳聞志所著有四書悟言周易

四明談助

卷四十二

七

要言徵信辨異二錄無懷集諸書

者舊傳

公攝撫州郡篆時

郡試糊名閱卷縉紳公薦榜首公屏函勿納及折首卷則
陳大士也暗與所薦合一日放衙湯若士遣人持小影亟
索贊公曰是欲窘我也卽信筆題之湯爲心折歸田後構
樓于高尙宅講述咏歌自號無懷居士以壽終三補者舊傳

葛司務士楨

字維周一字思皇副使仁美次子諸生江上授吏部司務
事去避地響巖與楊次莊林鶴山相倡和有息園澹香吟
荔堂爲之序續者舊傳

葛文學瑞圖瑞書

瑞圖字易彰評事文炳之子爲諸生潛心經史莊恪自持

與人和易如坐春風中及子世振貴鍵戶諷咏仍不改澹
泊嘗舉名臣言行錄訓勉其子弟瑞書字禹彰亦諸生孝
友力學文行與兄頡頏著大易闡幽南窻文稿性高潔以

感憤卒

聞志

葛榜眼世振

城居第在紫薇街柴巷

字仍上號確菴文學瑞圖之子崇禎庚辰進士第二人及
第授翰林編修充日講官奏對兵餉事有增兵不及練兵
加餉不如清餉之語大稱上意列其名于御屏尋以省親
告歸甲申聞變著十哭詩卽杜門不與世事結廬光溪之
濱督課農桑兩膺徵召皆不赴

詳聞志

著有寒鐵集

葛祭酒世振髮誄

四明談助

卷四十二

八

天畀此髮膚森然流血性朋以盍簪招冠以三加盛夜半
喪顛毛蕭晨慙青鏡九鼎墜一絲何日南風競

句餘土音薤露詞

老臣履

陸公子祖道

老臣曳履入史宬數奇乃作陽和行噫吁嘻乎前車之覆
後車之懲

詩話公子爲大廷尉之五郎周明觀察之介弟家國大
事無忝其父無忝其兄時葛祭酒年尚少被徵書公子
作十絕句爲之祖道援危素故事以警之祭酒本不肯
出得此詩而益決

葛文學世掄

副使房下俱居冷靜街觀察第

字顓九號鼎承副使仁美孫待詔士標之長子年十七游庠事親色養承歡雖雁行有四而生事葬祭獨力仔肩生平豪爽宗姻多受其惠著西遊草高尚宅吟

葛文學世授

字欽哉號菊隱司務士楨長子弱冠爲名諸生言動不苟人稱長者父歿時季弟世揚在襁褓中乃力肩家政上事繼母撫弟致成立

葛文學世揚

字懋哉號認軒司務士楨季子幼孤事母孝事兄恭母董苦節自甘朝夕訓誨且以兄爲師惟言是聽由是克承家學爲名諸生精易說著有周易辨義月滿樓草俱三補耆舊傳

四明談助

卷四十二

九

附齋居撥悶示繩兒詩

白頭生計拙無奈此微軀馬齒日以長仍作轅下駒年來善病肺欬欬腸欲枯夜分不能寐披衣學跣趺喉間時有聲大冶鼓洪爐客來每屏氣怕人笑病夫吁嗟此中情兒曹知也無

葛明經繩先

字詵宗號巽亭懋哉之子中雍正乙卯副車少承家學復從董正國遊詩初學劍南後改學梅都官全謝山稱其有天然之韻家素腴後中落索逋者盈其門猶苦吟不輟錢志孫萬潢字星涯苦志力學乾隆間補諸生有名惜早卒

謝山先生所著如四明洞天舊聞甬上族望表雙湖小誌

句餘土音湖語等作皆爲誌乘訂訛舛補闕軼而最有功
文獻者尤在續耆舊傳一書書成凡八十卷葛丈巽亭嘗
手抄全部今歸于盧月船鏞與張望槎董小鈍各得草本
分藏與同學互易所有錄所未備而八十卷並成完集樗菴

存藁題續耆舊傳辭

地藏殿

後坐響巖門對平疇前列江口諸山殿不知起于何時竹木
楚楚頗有靜趣殿後隔江爲北巖

響巖

過高尚宅更越小阜經地藏殿殿後卽響巖也危然住武突
兀臨江瀕江路狹如綫巖俯及頭頭不能伸遊者僅可偃僂

四明談助

卷四十二

十

側足而度循壁至洞深廣可十笏洞中歌嘯無異他處洞外
一呼傳響遠答語音悉稱巖半綠蔭垂垂間有棲鳥驚人飛
鳴桀桀肅然駭聽

聞志云縣西南五十五里巖壁峭立下浸蕙江巖中有洞凡
江水作聲與遊人笑語則巖洞答應故曰響巖又相傳巖影
如佛像一名佛影巖天寒鷓鴣羣集又名鷓鴣巖巖下有編
魚洞 詳見後釣臺記

明陳宣遠詩

陳文學鏌字宣遠憲副槐之孫有詩名

董君新相知雅尙在幽討僑我遊响巖翠霞亂晴昊峭壁插
江江水清一色遙連河漢明尋常巖隙鷓鴣宿宛轉厓邊玉
液傾我吟巖亦吟我嘯巖亦嘯如與心賞期山水真同調相

傳賀監隱其側至今人稱高尚宅江蘋欲薦仰止心鶴歸何處空山夕水北招提沙際開遙遙鐘磬渡江來主人興劇清歌發待月夷猶不忍回

明王右仲遊響巖歌

巨靈揮斧劈山脊直削山根數千尺半邊之山但骨立石氣猶凝鐵花赤碧髓如飴採取竭祇見懸壁留一穴中通小有未可知不齒洞天應望缺洞口如箕寬可坐鳥道懸空綫中過俯瞰清江接混茫談笑半天霏咳唾秋深氣寒風颯颯逆距江潮鼓鞳鞳長空沈寥雲鳥盡谷神谿舂自相奮隔水禪關草樹封牧童羣戲午撞鐘烏犍引犢鳴荒壟翠鳥啣魚掉古松去來舟楫無昏曉亂帆出沒青林杪平沙曬網夕陽遲

四明談助

卷四十二

十一

別浦鳴榔江路窄山脉斜連高尚宅賀老相傳是遺蹟抽簪歸去髮雙皤費得登山幾兩屐酒船空掉已千秋十二年來我再遊眼前契濶已如此雙足何時遍九州

聞別駕故居

在響巖山宣和進士益都聞實來判明州以金人梗道不得歸卜居于此

聞志

五世孫時政遷居石馬塘詳三十六卷湖後

山下

桂莊

在響巖山元高士聞元春號南雷樵隱積書萬卷構莊以隱嘗自咏云此中粒粒皆金粟萬斛香浮浩莫量昨夜嫦娥消息好廣寒與我作天倉著桂莊集南雷樵唱詩稿劍南句圖

王尚書應麟爲序

聞志

頻伽鳥

佛書著此名昌國補陀山有之鄞縣句章北巖亦有之

寶慶志

響巖北岸爲北巖爲普和寺寺前有全侍郎祖基三大穴詳見鮚埼亭集北巖先瑩記今二穴墳頂出木已成合抱不可去矣

高尚澤釣臺記

鮚埼亭集外編

唐賀秘監之故居在吾鄞城南馬湖故其地曰賀家灣有池曰洗馬以秘書族祖德仁故也去馬湖不數里爲響巖秘書之別墅其澤曰高尚蓋取明皇御賜詩句澤之上有秘書釣臺焉城南之山水皆屬四明一帶所磅礴無不奇者至響巖

四明談助

卷四十二

十二

益清越蕙江九曲澄碧無際瀕江石壁橫厲如屏風水北作聲水南應之嘹亮如石鐘而寥天淡蕩時見穴中色相如佛影巖下有洞槎頭鱸之所聚漁人終歲取之不竭殆文選所云丙穴者也江東產鱸之富莫過于浦陽其風味遠遜是間數倍巖上篔簹數萬蔽天拂日長有雲氣護之又有鷓鴣千羣往來沚中而北巖則有頻伽飛鳴其間此釣臺之大概也當日秘書御風仙履朝遊剡曲暮宿石梁浙東洞天都歸嘯傲是臺特游息之一區耳而其勝絕如此環臺左右而居者爲葛氏吾友巽亭之祖宅也山中更無庶姓巽亭致疑于其家譜言遠祖有官太尉者實偕秘書居此顧何以不見舊志予攷葛氏原籍潤州之丹陽其居鄞始于宋慶歷中贈都官

郎中旺實自處州之麗水來則太尉之說非也都官爲鄴江先生高弟以多學稱隱居不出故世遂以高尚澤稱高尚宅屬之葛氏都官之子度支暨度支之子主簿皆荆公爲作志世德如此何事遠稱太尉以蹈沈約魏收之失異亭曰然吾固疑之得子言而益信也予嘗遊桐廬江上縱觀嚴公東西二臺其地良寥廓山高水長令人興一絲九鼎之感然是臺之秀則別自有不可掩者今葛氏收之筆床茶灶之間何其幸也因語異亭令收復其故址臺下別爲祠三間祀秘書而配之以都官予將棄人間事來作祠下史看山看竹日哦詩佛影中饑則啖青鯿以爲糧雖萬戶侯不易也

萬季野竹枝詞

四明談助

卷四十二

十三

賀監歸來髯已星鑑湖風月幾番更滿朝猶詫休官早想見當時仕宦情

響巖千尺俯江流隔岸聲聞一樣酬莫向水邊輕弄舌定應仙子坐峯頭

句餘士音賦小江湖故蹟及土物

賀秘監釣臺

北望馬湖近垂綸有舊村清狂憶吳語高尚表青門故宅荷

花老斯人爽氣尊大魚來鄴社九鼎一絲存

鄴侯童時爲公所知馬湖去釣

臺五里公所居也

蕙江編

谿水春大上丙穴有青鯿槎頭項縮縮悔逐出山泉

北巖頻伽

佛影在雲際佛鳥飛林中阿儂不佞佛烹以佐朝饗

百梁橋

縣西南六十里寶慶志作小溪江橋宋元豐元年建長二十八丈濶二丈四尺而為屋于其上計二十二楹七洞每洞十四梁中洞十六梁建炎兵燬紹興十五年邑人朱世彌世則紹祖父功重建敬止錄南達甘嶺北達小溪聞志唐昌言朱氏修橋記林霆朱氏捨田記俱載敬止錄其水自它山來木阜分支之水亦落此

聖壽教寺

縣西南六十里百梁橋左側寺門參差相對唐咸通五年間

四明談助

卷四十二

建宋太平興國三年賜寺額寶慶志作甲乙律院敬止錄

元貞橋

縣西南五十里元貞元年里人王子明建曹志南達奉化境北達小溪明崇禎十二年有大魚自定海入鄞江翅如風帆水為起立至蕙江之元貞橋復揚鬣出海明年葛世振榜眼及第聞志鄞江出來俱板橋至此江面稍狹建石橋在百梁橋之下流它山諸水俱出此過此為三江口

江口山

它山水落堰迤邐東來會大埠頭剡源水同出徐家渡又會奉化金溪龍溪水自方橋出是名三江口敬止錄自四明山分為雪竇諸山東衍至此山上有塔山半有清水菴俯瞰長江

山陰爲鄞境山陽爲奉化境曹志

自清秀山至江口之脉止于蕙江諸勝自清秀以上鵝鳩山
分支至江口者聚于徐家渡山卽舊志所稱江口山其山自
趾至顛皆石突兀離奇如巨靈布武蟠腹膨脝遇流少住山
半有洞名頭陀巖中供佛像山下有橋名江口橋

芙蓉江

鄞江踰它山而下南接奉化江環而爲蕙江又折而爲芙蓉

江聞志蘭江蕙江芙蓉江名雖不同皆鄞江上流之別名也錢志

芙蓉江北岸一帶爲東四明進城正脉有北渡櫟社等境已
詳上卷

沈嘉則芙蓉江詩

四明談助

卷四十二

十五

勝侶多曠懷江臬躡斜照波平風力微重山薄層耀翠淡青
黛濃雲霞影相冒嶠疊秋靄分峯攢晚容峭帆去白已遙復
近浦縈抱掩映眺難窮廻複景殊妙淑曲龍九紆巒明水千
澡長謠歸路遲烟蒼野生燒何以寫清歡持醪遠相勞醉昵
芙蓉花驕哉美人笑

古方稿

奉化縣北四十里卽古之常浦磯也潮衝磯壞易之以梁明
成化中重修建屋其上屢圯屢修 國朝雍正四年海道孫
詔重修事詳碑記曹志今已易爲石橋矣

橫山

山小而長土人稱橫山脉從白杜落其北爲胡家隴

厲山

縣南五十里山頂以石擊之作礮礮聲並山而居者多吳姓故稱厲山吳嘉靖志或曰礪山以形名或曰漢魏郡太守義陽侯厲溫居此故名厲山敬止錄近聞厲山脉從金峨山東北落未審其實

吳進士化龍

字伯魚宋咸淳進士家屬山度宗知其才能授名郡上嘗曰人仕雖須才亦須命每官缺朕先懷吳化龍好與之棋使中使召之曰金溝清泚銅池搖颺既饒佳景當復劇棋見元豐灼所撰茅山志噫此何時也君臣尚逸樂如此敬止錄

四明談助

卷四十二

明心教寺

碧玉樓 鯨吼樓 致爽閣 入山亭

縣南四十里晉天福五年建名厲山院宋治平二年賜今額元祐間僧明顯建碧玉樓建炎寺燬紹興三十年里人吳孟春重建紹定六年僧妙緒建鯨吼樓元延祐五年建致爽閣天歷二年造方丈及入山亭聞志

茅山

縣南三十里與姜山對峙上有一葑以竿探之深無底止嘉靖志相傳漢茅盈茅固茅震各乘一鶴至山故名又云山出香茅名所因焉舊有普安院聞志一號茹峯宋嘉泰間知府黃由作亭其上篆茹峯二字懸之有寺有靈應武惠廟有化鶴灣

相傳三茅乘鶴事此附會句容三茅也

敬止錄

茅山每年行稻花會鄉民答願禮拜遠近至者數萬人聳動數郡凡販夫趕市各貨無不畢集香市之盛實所未解一云脉從同山度長短嶺起小秋山度壩橋江起毬山茅山左水出方橋右水出棟樹磯未至其地不敢臆斷 山在坊橋江之南有大荻港東通石觀音堂南通斗門橋北通坊橋

芳春園

茅山徐司農卿愿之園有牡丹亭花有一本兩頭有司以瑞聞旌曰茅山花園愿宋開熙進士

敬止錄

鄭士洪詩

綠楊深處兩三家幾度凭欄看紫霞雲錦已空烟水濶轉教

四明談助

卷四十二

十七

人憶舊時花

右榜鄉舉徐槐

槐字艾堂茅山後堡人至元間以經學魁鄉薦隨卒學士許衡以詩題其墓云之子純純氣質良早年拔幟冠詞場攀龍得意徒追慕化鶴無音竟渺茫將步青雲揚姓字忽看黃土蓋文章往來樵牧秋風裏悽慘悲歌對夕陽

茅山志

宗室趙氏

甬上族望表宗室茅山趙氏錦勛待制粹中之後也待制爲一望其子樽爲一望

趙待制粹中

字叔達其先密州人父濬官東南卒葬于鄞遂家焉幼歲

能詞章登紹興十八年進士第官太常主簿孝宗銳意復北疆公進恢復機密十論制敵權鑑四十卷富強要策十卷孝宗極喜之一歲九遷由秘書郎至吏部侍郎所奏對多言邊防嘗疏請罷王安石父子從祀雪岳飛冤狀又集司馬光范鎮董弅等奏議成編以上議正太祖東向之位未果行寧宗卽位卒如其議後以待制知池州罷歸家居十年乃卒詳延祐志侍郎水閣在日湖見嘉定間日湖丈尺圖趙隱君蹲

字立之父粹中善筆札立之書似其父六歲而孤事所生母孝以父恩補永豐簿改南康戶曹每恨祿不及親期至皆不赴安恬養素篤志好古嘗隱茅山欲爲道士親黨共

四明談助

卷四十二

十八

止之然竟不仕詳聞志

茅山張氏

甬上族望表茅山張氏澤州守宏之後也

張澤州宏

字公度元祐二年舉經明行修仕至禮部郎中歷守建昌軍泰州澤州嘗築慈谿縣藍溪洪莊保之堰埭民至今賴之公六世祖次宗唐會昌中爲明州刺史四世祖仁皓爲兵馬鈴轄使廟食于奉化茅山廟曰武惠王寶慶志

哺饑販

三茅志哺饑販在茅山東九里唐景福間刺史黃晟哺鄉間

饑夫于此黃氏家乘錄

許孝子神火導行

許孝子壠字廷璧正德間人少孤依母不暫離一日母擲竹誤中孝子暈地急抱持泣孝子稍蘇卽張目笑語曰兒故嚇母非真暈也及長母所欲必竭力以供家茅山或入城向夜必攜一燈走三十里歸省嘗夜歸燈滅遇神火于道導之抵家平居言動不苟室中有婢二十六而嫁仍處子也嘉靖志子元祥嘉靖戊戌進士官通判鄆獻表敬止錄云許元祥字國忠家黃燕山才華宕越以進士通判松江相傳民家娶婦衝元祥道元祥卽于途間取新婦杖之婦歸縊死民間汹汹元祥不自安弃職歸聞民將俟其出毆之元祥坐卷箱中脫出時爲之語曰許元祥坐卷箱及觀茅山續志則云元祥負才自

四明談助

卷四十二

十九

恣時官箴正嚴密因弃職觀此則知相傳之言似非誣也

孫山人借竹樓

孫山人儀家茅山淹博能詩著借竹樓集聞志

山人字象可世家三茅象可自田間起年十七爲諸生時櫟社長沈嘉則先生郡中名縉紳余君房屠長卿沈箕仲諸公尙無恙象可遍造其門歸益精治經史學及國家典故無不蒐獵數試有司不利客于京師當事欲論薦其才竟謝歸象可性廉介喜在佳山水間每所過酒家梵舍常作詩題壁不署姓名時周貞靖先生齊曾方爲孝廉偶過某寺中見壁上句一讀驚喜起拜初不知所作何人也後周先生中進士出官嶺外聞象可名邀與同往舟中論詩甚驩一日見所攜借竹

樓集則題寺詩在焉更大驚喜重起拜由是兩人恨相見晚
論詩益驩後周以忤勢家解官象可歸卒于家耆舊傳

東林禪寺

縣南三十五里唐天祐十年建名東林宋治平十二年賜圓

通額後復名東林

聞志

東林寺在茅山東九里南劍陳瓘與復州張徽嘗遊此四明
耆舊傳云結彼世外交遇之于邂逅政和六年僧智仁建問
月松石二軒建炎兵燬永樂志載員通寺名列于廢址敬止錄

茅山東舊又有西林南林二寺西林宋治平間賜額寶林南
林明永樂間併于壽昌寺周韓有北林寺明萬歷間建俱見
敬止錄

四明談助

卷四十二

二十

盛次仲咏松石軒詩

一松偃蹇蒼龍蟠一石巉巖老虎踞漫來題作龍虎軒只恐
風雲捲將去

廣目堂

茅山南五里宋陳埴建云廣目天王見光于此建炎兵燬嘉
定三年陳符建臧經閣棲雲軒陳應祥建方丈元至正間僧

覺明建鶴鳴軒揚月堂明廢敬止錄

僧曇噩咏鶴鳴軒詩

誰家元鶴馭風行縹緲還吹白玉笙華表秋高天四際闌干
夜靜月三更曾經蕙帳幽栖夢似訴芝田久別情會說人間
是非事一來聽徹九臯聲

西延慶禪寺

茅山北八里唐中和四年建名永福院宋大中祥符元年賜
今額或云晉法師竺延慶所居故名

敬止錄

魏文節公詩

開山何日事斷碣臥荒榛食盡僧行脚兵夾佛捨身燒痕侵
殿址租額累山隣可是天魔盛誰能問六鈞

冕山

在茅山左唐裘甫之亂郡守張次宗退休于此百姓從之者
得免于難名爲冕山後因名冕山其石爛斑又名花石山賀
知章寓此又名賀山

敬止錄

走馬塘

四明談助

卷四十二

二十一

茅山南臨河直路云是張兵馬騎從往來處故名詩云策馬
轉山隅芳塘按轡徐風塵人過靖泥濘雨餘除柳色纏金勒
波紋耀錦裾固知風俗舊不必問圖書

敬止錄

君子河

茅山走馬塘河宋嘉定間陳墳置莊種竹稱君子河荷芰禽
魚出沒隱映東通五港南通王大悲港西通劉家港北通茅

山後河

敬止錄

藏春園

茅山姜敏肅光之園淳熙間知郡范成大作記

敬止錄

胡家隴

數百家胡姓聚居多富戶其地勢突出江中與北渡對鎖爲

奉化關水口

姜山

縣南二十五里平原崛起有石洞三其一最大曰後巖可坐數十人洞後又有小洞上有圓穴如月仰可窺天謂之天鏡其大洞向北北風不能入聞志姜山狀類狻猊高可數十丈廣

僅二三里巖穴為屋棟宇儼然鄉人即于穴中為廟以祀唐

刺史黃公姜山河東通定橋南通蔡橋西通斜橋北通銅盆

浦敬止錄

姜山陳氏

陳氏居于巖北族不下數千人閱閱文章為吾鄞鼎望三補耆舊傳

四明談助

卷四十二

二十二

宋末雨鈔

度宋咸淳元年雨鈔于姜山陳氏二日飛錢盈室嘉靖志

太史陳公丕

字繼光號義山博極羣籍篤好古禮言動居止尺寸不踰學者宗之宋英宗朝仕承務郎秘閣修撰及告歸杜門著述吟咏終身

廉訪使陳公禔

字元孝太史丕之子博洽經史操履清白神宗朝辟為廉訪使拜奉訓大夫乞歸築室姜山之麓表正風俗遠近翕

然師法焉俱三補耆舊傳

陳欽州淳

字德溫幼有雋才景泰癸酉舉于鄉知欽州涖政廉明時靈山民有死獄釋株連者數百人郡守怒公引法力爭竟不能屈舊有義倉積爲豪強所侵悉心徵理之歲適大饑民賴以活政稱神明詳聞志當正統時兩浙頻饑斗米千錢公之祖處庭發粟數千石賑之全活者無筭撫按題詩旌爲義民表閭公之父惟鉅名儒耆德善吟咏有憶子詩云株守姜山一老翁從來不識路西東自從有子欽州去夜夜欽州入夢中三補者舊傳

陳御史英

字廷賢欽州淳之弟成化壬辰進士知廬陵縣士民以異政頌焉歷九年陞監察御史以風裁聞詳聞志

四明談助

卷四十二

二十三

陳郎中瑞

字鳳儀欽州淳之子成化丁未進士歷陞刑部郎中用法平恕奉命慮囚兩廣公正自持情罪多所平反詳聞志

陳御史玘

字國祥號容峯侍御英之從子幼喪父讀書無師自悟嘉靖壬辰成進士官南京刑部主事留意刑獄咸得其情改官御史按江西弋陽王妃父怙勢恣惡王屢爲翼蔽公一日諭縣令肅帶夫役五百名次日四鼓候門人莫測所以如期公率以往發屋伐垣不踰時而盡比曉王至已無及矣蓋毀其巢穴而後爲惡者始孤居民始得安堵也其所著條約必與賢有司商確因革便利裁以定見觀風者祖

之今之登答冊自公始詳三補者舊傳

陳太僕侃

字應和號思齋刑部郎瑞之子嘉靖丙戌進士授行人進刑科給事中內閣張孚敬構陷學士夏言上察其奸勅下切責罷相越明年張再入相適琉球國王尚眞卒世子尚清上表請封張乃以例強公行公聞命慨然就道海中驚懼萬狀始達其國事竣登舟颺風復作桅折柁崩舟人聚哭公肅衣冠仰天而祝須臾有紅光自天下若將導舟又有白蝶黃雀浮波往來衆以爲公忠誠之感恃以無事明年復命于朝拜光祿寺少卿是年琉球國王遣陪臣謝恩具疏公却金之廉仍函金一鎰以請天子嘉之命公受金

四明談助

卷四十二

二十四

以慰遠人異數也遷南京太僕寺少卿未幾卒三補者舊傳參聞志

陳太僕侃少時祈夢于神神指梁間牌額數峯青示之及後致政歸至呂梁過戴水部飲入門舉首見梁間數峯青三字大驚歸卽卒意謂祿壽俱盡此也敬止錄

陳京山繼良

字貞甫刑部瑞之孫嘉靖癸卯舉人授湖廣安陸府京山縣令下車日集士民訪問風土商確利弊用法簡而民不擾自奉淡泊雖敝衣疏食不恤也三補者舊傳

按察使陳公起龍

字雲從刑部瑞之曾孫其父因家失火祖居盡燬爲衆所窘遂攜諸子至杭夢神告以富春爲汝家遂居焉入籍食

龔崇禎戊辰成進士以刑科給事歷陞廣西按察使會值
滄桑遂棄官歸至漢口抱憤而卒

詳三補者舊傳

陳棲霞治官

字月卿侍御玗之曾姪孫順治壬辰進士授山東棲霞令
霞古牟子國土瘠民貧時屢經兵燹雜辦侈于正供大吏
恣貪公不忍重困民乃盡鬻家產以償解組後日與子孫
課文講經及古今成敗意有所會一寓諸詩

三補者舊傳

同族

義勇乾隆壬午舉人以截取赴選卒于京邸

治平講寺

寺在城南門外渡江曰銅盆浦鄉曰鄞塘平疇鬱密松竹環
植望之竦然其間者卽治平也寺建于後唐清泰二年始名

四明談助

卷四十二

二十五

保豐宋治平二年賜今額元豐間有性法師講法華以水救
人疾有咒水池嘉熙三年寺燬僧上復建咸淳八年子直良
法新之詳見學士袁桷記

天壽寺

在姜山俗名斜橋寺後唐清泰元年建宋治平元年賜今額
明崇禎間有神棲之恒空中擲瓦有詩示人

敬止錄

四明講寺

縣南二十里鄞塘鄉唐天復元年建名鄞水院宋大中祥符
元年賜今額嘉靖志云初建以奉刺史黃晟香火後廢明宣

德間重建

敬止錄

黃燕山

鄞塘鄉宋熙寧中王氏穆姜見五燕雛失母日啖以食燕長毛羽俱黃次年啣珠報女女已歿葬小阜五燕呼羣啣土加高女塚因稱黃燕山敬止錄

楊琛詩

蒼蒼終日鎖春愁欲去迴翔更少留傳說王家飼燕女今朝珠報始知由

陳婆渡橋

南達姜山北達三橋聞志

銅盆浦龍潭

縣南十里江浦中時有大白蛇橫于江面則雲霧晦冥旱禱輒應相傳謂日湖白龍飛徙于此又俗傳謂日湖隣于延慶

四明談助

卷四十二

二十六

寺元僧夢堂曇噩咒龍入銅盆放之江上至此而沒因名浦曰銅盆攷宋寶慶志已載有銅盆浦堰則銅盆之名舊矣始知俗傳之訛也浦上有龍神祠明制載諸祀典聞志

鄭郎堰

縣南五里聞志在周蘓渡東柳亭菴後江勢至此轉東一大漚出東津浮橋

甬江

鄞江一名甬江四明諸山之水滙流東北出而達定海縣界明史蓋鄞江合奉化江至郡城東始有甬江之名及慈谿江西來同注于鎮海統名甬江矣錢志

東津浮橋

東達東七鄉西入靈橋門橋自唐長慶三年刺史應彪創置凡十六舟巨板其上長五十五丈濶一丈四尺初置東渡門外江闊水駛不克成乃徙今地方經始時雲中有形如虹映其上因名橋曰靈現又曰靈建太和三年刺史李文孺僖昭間刺史黃晟宋開寶中守錢億乾道中守張津嘉定間攝守程覃寶慶間守胡榘淳祐二年制守陳塏皆乘其圯而新之俱有記寶慶志

元至元二十八年廉訪副使陳祥重建更爲永久之慮擇民戶十有六家蠲徭役科條隸局任橋事未敝而修費約工省不止一時之謀而貽無窮之利也王應麟爲記

四明談助

卷四十二

二十七

津橋制

制詳劉仁本記

又買田一百五十畝城之士民率助者倍之

規橋側靈濟廢寺之畝一百六十有奇并其基址構爲橋局公廨命僧居之公爲檢籍歲收田粟專理橋務民弗再勞官無旁出其法最善旣落成劉仁本爲記迨其末年田與局俱廢嗣後多僉富民修治而橋政滋害矣

明正統十四年郡守陸奇重建又作石亭三楹爲守夫過客寒暑風雨之庇陸瑜爲記

成化二年郡守方遠重修黃潤玉爲記明季每損壞僉報富戶修造工成獎以冠帶謂之江橋大戶膺其役者苦之聞自

此修橋之役每三年屬之富戶非特一時費出不貲而三年之內凡漂壞損剝俱以責之一罹其災妻子俱非已有甚有

百計賄脫至以拙弱者當之代爲卸厄之期百年之間吾邑厲政莫此爲甚

敬止錄

國朝順治八年知府楊之杕詳請每里科銀二兩五年一徵官爲修造郡學生聞性道有東津浮橋議見邑志憲使王爾祿將建東津浮橋寺譟勸募文後應 召未建郡侯楊之杕卽于其地建芥子菴康熙二十三年郡侯李煦捐己貲千餘金獨造浮橋橋成有申詳奉批碑文俱載聞志康熙三十年分巡道趙良璧以舊寧波衛地招民造屋每間輸稅一錢每年收稅銀十四兩零四十三年橋西新漲沙塗准居民蓋屋四間每年收地稅銀二十兩又海關每年領欸銀八十六兩零乾隆三十五年縣令商皓議令甬江塗岸蓋屋凡一百三

四明談助

卷四十二

二十八

十四間半每間輸塗租一千四百文共錢一百八十八千零以濟橋工通詳批准自後歲修浮橋皆以關欸塗租二項報銷其看守水夫十名每名給工食銀五兩篋纜銀一兩

錢志嘉

慶道光間兩次募銀大修詳縣冊江中每遇大舟出入將菴舟放開一排過則攣好遇大風潮則統爲放開過則攣好凡涉江橋之事皆水夫執之

嘉靖十六年七月海潮入靈橋門父老云當出魁解是年陳穆果占解首

張明五公祠

在浮橋東岸公諱文英行明五元時嘗建亭施茶且憇息守橋夫故祀之明萬歷三十年燬徙建澄波橋右

聞志

後里人于

故址改建靈濟菴奉關帝像乾隆三十八年仍立張明五主于殿側祀之

錢志

長庚會燈

浮橋據一郡衝要橫亘數十丈七鄉人民絡繹馳驟復有郵遞下上恒晝夜不息宵行或恐失足乾隆十三年邑諸生張宗瀚李彥聖等醵金置買市屋植竿槓畔徹夜燃燈以便行人名曰長庚會亦善政之助也

錢志

鄉城行善者又有草薦會以草薦陸續寄于東岸菴中每遇雨則鋪開晴則卷過屬菴僧主其事

女樂工悲憤赴水

董次公弔投江女詩

并序

四明談助

卷四十二

二十九

女定海人父老諸生也某姓貧甚以女質于豪豪貪轉鬻鎮兵充歌妓演劇兵子家無虛日女苦之飲恨不言也辛卯五月廿一日戲于市父立觀道旁疑其貌若息也女當場見父以身投地抱持而哭兵子格止之惟曰亟贖我父輒走于豪豪壓以兵威勢不可復歸矣母日哭自沉於井訃聞於女女心隱痛之外若不經意者廿五日乘舟還鎮艤于浮橋一躍入水痛哉可謂寄恨天上埋憂地下者矣兵子諱其事故以他汗之夫近事之使人敢怒不敢言者止此女也耶予聞而弔之

生世莫作女貧賤身如郵療饑辭父母轉鬻豈得由狂且重黃金弱質歸兜鍪荊布充歌妓強使學清謳深夜獨含悲對

影徒自讐逐隊走大宅靚妝俯遠樓雖極管絃樂我心終未
瘳有翼不解飛枯魚粘釣勾演劇四達衢老父立道周渴恨
發聲哭酸血噴兩眸寄言贖餘生尚可比好逑武鎮勢如岳
割絕中腸抽原不惜人死豈復知人愁父兮壓冰山母兮填
霜溝此女有心計聞之殊悠悠邁會泊江澣候潮羈去舟勇
躍快九泉沉痛始獲休不藉學問力孝節格吳憂哀哉亂離
來多少閨門羞劍齒羅敷殞樓香綠珠蹂烈者赴死毅懦則
浮生偷有女泥中蓮挺挺自束修臨江愁霧鎖一哭門海秋
三絃女子投甬江

江上弔三絃女子歌 杲堂詩鈔

本土人女亂後流爲女優年十六工三絃子父欲贖之不

四明談助 卷四十二

三十

得因抱絃自投甬江死

小鬟抱絃調鳳髓嬌若芙蕖開半蕊臂支獨枕紅守宮傍人
但許聽歌死羅衣垂手骨欲翔綠裙化蝶縹蓮香愁心只慕
箜篌引冰蠶織絲千縷涼改絃撥出思鄉調素蛟迎舞幽蘭
笑江上風迴曲未闌小魂夜拜曹娥廟鸞鴈踏浪月漉漉手
執朱鞭牽白鹿醅酥何處醉穉毳熱粉吳姬紫槽促

巨魚入甬江

順治十一年甲午夏大旱南郊行繁露法三日得雨有風雷
捲壇之異是歲有巨魚從海入江昂首躍波次年兆史大成

狀元及第 聞志

三江口

東西四明二江會于甬江出大浹江故名三江口東四明源委既詳于上下詳西四明

菁江

西江之源發于上虞太平山菁江有上中下三菁已見第二卷

四明灘

在通明壩對港可通灘船十里至梁衝爲西四明大鎮頭

黃竹浦

浦通餘姚江爲甬上寓公黃梨洲晦木二先生故里已見第二卷

浙東第一橋

四明談助

卷四十二

三十一

餘姚南城外有大橋跨江題曰浙東第一行舟來往可不落風帆凡東岸四明諸水西岸梁湖通明下蓋湖諸水俱出此橋

郁家灣

灣內多瓦窑舟行遠見白烟蔽天大江至此一大曲爲慈邑上沙且爲餘邑關鍵

陸家埠

西四明分支溪水逆上從此出有鳴鶴場虞氏祖墓接上流郁家灣并鳴鶴場觀海衛諸來水合而東行出慈谿江

蜀山渡

江干石壁直削如蜀中山對江爲龍山有永樂寺亦見第二

卷

丈亭前後江

前江由車厩大隱并合藍溪雲溪諸水直達甬江見第二卷
後江行四十里出夾田橋達大江其四十里懸洲脉自東北
逆上至西南為慈邑蓋沙

丈亭館

在慈邑西四十五里夏侯曾先地志云是老尉廨宇築方丈
室舊曰丈亭老尉乃古之軍令尉今館北有老尉浦是其迹
矣吳越錢氏改為亭後廢嘉定間令邊烈闢地築小館于亭
北亭前建小軒三間寶慶志 詩詞附後

古留題詞

明明談助

卷四十二

潮生浦口雲潮落沙頭樹潮本無心落又生人自來還去
今古短長亭送往迎來處老盡東西南北人亭下潮如故

慈川逸民詞

南山明北山明中有長亭號丈亭沙邊拱送迎 東江清西
江清海上潮來兩岸平行人分棹行

僧義銛詩

青青歷歷映江流半是明州半越州亭下寒潮亭上客不知
來往幾時休

夾田橋

慈邑東南驛道之衝宋皇祐二年令林肇建曹志

洲漲夾田橋

嘉靖元年慈溪南夾田橋之西忽漲一洲鏡圓而隆起邑人向錦曰凡洲起爲魁元之兆今沙洲漲夾田慈谿其出狀元乎明年癸未姚涑果狀元及第十六年夾田橋之東復起一洲明年戊戌袁煒會元探花

曹志

慈人溺項仲昭

項煜字仲昭又字水心蘓州吳縣人天啓乙丑進士崇禎十七年春已進宮詹三月十九日流賊破帝都傳聞李闖登極詔一夫授首四海歸心比堯舜而多武功較湯武而無慙德吳門友謂非名筆不能未幾江南擁立宏光聞又有請下江南疏擁子女以承權之句亦不問捉刀人氏將水心華椽廣廈烈付一炬遂聲罪致討擒解金陵下詔獄時瑤草馬士英

四明談助

卷四十二

三十三

秉政水心援助餉例近地門生叙集三千金上戶郡得出獄投四明之二馮元颺元颺家伊弟元颺係新科門生館之鄉莊戒敬晦毋示人影奈所攜僕從不飭縱恣絃歌慈水子衿積怒欲言者已久會薤髮令下遂號黨揭竿趨項寓而甘心焉擁送入縣縣令爲癸未科維揚王玉藻散衆無力衆復擁出繫于東門外之夾田橋橋數仞潮水湍激索端挽于衆衿之手投諸水復提而問之曰降賊者汝耶如是者三元颺聞信奔救已不及矣僕從奔竄此癸未進士寧波水滎旭雲壑目擊之言也

花村看行
侍者談往

句餘土音擬薤露

詞降賊者汝耶

慈湖村農鋤逆

降賊者汝耶汝罪擢髮尚自賒乃欲汙汝門生家汝過姑蘓
詹事第笑問主人死也未汝不死亦已矣汝笑人更何意慈
湖本清流投汝清流尙我之羞

城山

在慈邑界漢句章故城春秋時越王句踐所築在今城山渡
之東其曰城山以句章之城在此山也晉安帝隆安四年孫
恩由海道入寇句章城爲所殘破劉牢之討之使劉裕戍句
章改築城于小溪鎮合餘姚鄞鄮爲句章歷前五代至唐初
皆在小溪開元時始析置慈谿王伯厚七觀云典午末造妖
寇鴟張裕以豪英往戍句章卽乾道圖經所謂在縣南六十
里者是也故郡有兩句章一在城山一在小溪遺址俱存

四明談助

卷四十二

三十四

七觀又云昔嘗窺委宛之簡見神禹之山經東有山曰句餘
實維四明南餘姚北句章二縣以爲名卽山氏州俶自開元
之盛

漢妖賊亂句章

漢靈帝熹平元年妖賊許生作亂于句章自稱陽明皇帝吳
郡司馬孫堅討平之

三國志

句餘土音甬上饒歌

陽明討

詩話吳太祖孫堅討許生事見吳志而深寧七觀未之及
亦一漏也

高陵人中虎大江所篤生五雲桐江煥神夢闔門呈漢家方

不振徧地嗟土崩蠹茲句章妖私署帝陽明丹山九洞天詎
堪此蠅聲高陵方蠖屈大呼鳴不平歐治雌雄劍力足驅百
靈秦皇老弓箭爲我助精英浙東一麾定再掃黃巾兵
孔內史復舊陂

王伯厚七觀云觀乎勾章漢陂之舊內史修復所居民富
注晉孔愉爲會稽內史勾章縣有漢時舊陂毀廢數百年
愉修復故堰溉田二百餘頃

赭山

居慈邑離位土色正赤屬火曹志山上有寺周顯德六年建宋

治平二年改名清果元季廢明洪武間重建成化志

書貞女愛玉事慈學教諭錢塘蔣炯撰

四明談助

卷四十二

三十五

愛玉失其姓本餘姚人爲赭山廟祝胡三養女貌端甚不類
小家女讀書識字旣長有以重值啗三求爲妾玉誓不可三
婦有穢行強玉從己所爲玉防身嚴不可犯婦輒毒撻之三
婦有所善嫗以墮胎爲業攜其方書至強玉抄之玉不肯舉
筆三婦復毒撻之玉泣攜鈎筐出門若采桑者過隣姥訴其
事姥留玉食欲送之歸爲解于婦玉止之曰無益也復攜鈎
筐至江干投水死閱三日尸浮出江面色如生隣姥白玉所
以死狀里人哭而瘞之赭山下徵士鄭勳爲志其墓且爲銘
曰玉惟自愛不待剖而璞全人胡誤于雕琢而不保其天聞
玉之風應爽然玉死年十九時爲嘉慶十五年五月十日

管山江

卽後江由文亭東注歷顧竺羅張方諸渡遶縣治之南四十
五里至夾田橋舊因民田阻之宋制相吳潛市民田開江七
百丈有奇廣三十六尺引文亭江淡水東行作茅洲化紙二
閘歷駱駝橋抵貴勝堰鄞慈鎮三邑皆蒙其利

曹志

陸攷居大隱

陸攷居于明州大隱時太守貪虐搜括民間攷以所有財物
置于地窖後果被搜甚急攷不得隱掘地丈餘竟無所得太
守怒其妄謫之象山築居掘地大隱所臧宛然在焉其後仍

返大隱

于迪聞
奇錄

西渡

已見第四卷

新渡

四明談助

卷四十二

三十六

李堇山詩

潮漲渡東西蘭舟放柳隄過江人語別渡客半慈谿

張文定公詩

江畔羣山暗水雲江中風浪百愁新臨流莫道舟兒小解濟
東西南北人

半浦鄭氏

慈之東鄉半浦亦稱鸛浦有鄭氏世家藏書最富

鄭明經啓

公爲諸生時有盛名夫啓中逆奄亂政浙主司闌入奄姓
公應試策中歷引仇士良曹節等專政之害以饑切之主
司驚不敢發視崇禎庚午中副榜公生平最持氣節子溱

亦副榜能修身以事親傳見後志曹

鄭觀察溱

字平子號秦川明經啓之子幼承家學中崇禎己卯副榜時愍帝心厭科目思復祖制儲材太學中因詔副榜盡貢入監以六曹諸務及騎射試之公入太學六年大司成擇十八人上薦公與焉帝將以異等擢用按察副使爲要人所持不果遂約同列拜疏歸闖賊之變聞報就縊迫於父命而止自此終身不復言仕以著述自娛年八十六而卒

□曹志

鄭高州梁

字禹梅號寒村康熙二十七年進士授庶常歷陞刑部郎

四明談助

卷四十二

三十七

中出守高州師黃梨洲聞劉蕺山之傳學有心得守高二載以父老得請終養而父歿積哀成半風十四年每書畫輒用左筆詳曹志曾孫辰字點衣拔貢官州判元孫勲字書常諸生舉孝廉方正

五岳遊人鄭南谿性

字義門故按察副使溱之孫知高州府梁之子也南溪于黃氏之學表章不遺餘力南雷一水一火之後卷籍散亂佚失乃理而出之先是高州公欲立祠于家以祀南雷而不果南溪成其志築二老閣于所居東以祀南雷及王父秦川觀察春秋仲丁祭以少牢邀同社子弟皆與祭使知香火之未墜也家居祭祀皆依古禮巫覡不得入其門爲

其尊人治喪未嘗用世俗七七之期後人守其家法以明
經貢太學應選亦不赴自署曰五岳遊人其於五岳已歷
其四獨衡山未至期以明年八十當南行未幾而卒

詳結
埼亭集

二老閣

二老閣藏書記 結埼亭集

太冲先生最喜藏書其搜羅大江以南諸家殆遍所得最
多者前則淡生堂祁氏後則傳是樓朱氏然未及編次爲
目也垂老遭大水卷軸盡壞身後一火失去大半吾友鄭
丈南溪理而出之尚可得三萬卷而如薛居正五代史乃
天壤間罕遇者已失去可惜也鄭氏自平子先生以夾家

四明談助

卷四十二

三十八

藏亦及其半乃于所居之旁築二老閣以貯之二老閣者
尊府君高州之命也高州以平子先生爲父以太冲先生爲
師因念當年二老交契之厚也遺言欲爲閣以並祀之南
溪自遊五岳還閣始成因貯書于其下予過之再拜歎曰
太冲先生之書非僅以夸博物示多藏也有明以來學術
大壞自先生合理義象數名物而一之又合理學氣質文
章而一之使學者曉然于九流百家之可以一貫故先生
之藏書先生之學術所寄也歷觀先生之學案經說史錄
文海睢陽湯文正公以爲如大禹導山導水脉絡兮明良
自不誣常戒學者當以書明心不可玩物喪志是則藏書
之至教也先生講學徧於大江之南而瓣香所注莫如吾

鄉嘗歷念高弟以爲陳葵軒萬充宗陳同亮之經術王文
三萬公擇之名理張旦復董吳仲之躬行萬季野之史學
與高州之文章惓惓不置南溪登斯閣也先生之薪火臨
焉平子先生以來之手澤存焉是雖殘編斷簡其尙在所
珍惜也况未見之書異累乎昔者浦江鄭氏世奉潛溪之
祀君子以爲美談今後鄭猶先鄭也而更能收拾其遺書
師傳家學倍有光矣書目旣成爰爲之記

鶴浦鄭氏園

句餘土音南溪家園

書帶草堂

故都督施公二華題額

吾家先宮詹湖上集羣公峩峩施都督裘帶叅芳踪將軍

四明談助

卷四十二

三十九

不好武雅歌酌詩筒書法尤入神滇海紅雲紅

都督爲沐黔公題紅

雲二字最馳名

佳郎殉毫社良不負阿翁可憐故里第書畫隨飄

蓬猶餘殘竹林彷彿遡清風

都督有竹中精舍清風閣在湖東今已累易主

所幸

住宅相尚貯墨妙濃階前老書帶葱翠一百弓于今已三
世春秋享祀豐吁嗟此書帶故國遺臣封莫視作小艸行
與喬木同

二老閣

奎芒萃黃竹篤生有魁儒一陽在黍谷出自九死餘膺滂
陪黨籍文陸共簡書晚歸雙瀑院殘經理蠹魚招邀徧江
東鶴浦尤其渠秦川故觀察同聲和于扁舟時過從素
心不可渝江村擬漢陰龐馬足並驅高州紹墜緒報本時

瞿瞿有子承先志傑閣凌太虛春秋仲丁日少牢薦香醕
百年噓薪火二老降履約試看午夜分五緯臨前除

半生亭

嶧陽孤根桐垂老枯其半生意猶融融清音不可亂吾懷
寒村老彩毫凌霄漢遠承戴山傳先登南雷岸高州投紱
歸一臂忽以絆蟹螯尙可持所失啣杯便閒情寫雲烟左
筆資清玩益復自歆然望望如未見高州臨終自謂全無是處斯人不
可作舊德傷汗漫江潮滾滾流斜陽入絳幔仍餘東天竺
繞亭白華粲

石叟居

石窻通萬山石樓臨絕谷其北爲翠碣石叟所小築石叟
有硯山朝朝寫蛾綠何須千峯秀只此一拳足五馬抵高
州旁午逢寒玉嫣然一笑粲會逢我所欲陸郎鬱林船多
載不爲黷又况叟不多三五孤峯矗遂成小洞天微雲淡
枯木仰看大者宮俯臨獨者蜀斑斑高麗盆凝亂堪果腹
石存卽叟存下拜不嫌數

大椿堂

南溪事半翁手種靈椿樹意美足垂芳心閒因得句卽用高州

題楹語 緜綿不朽人令德永終譽形逝神長留奚止八千度

年來愈穹窿彌天飽霜露千枝密色護池塘發香霧椿以
懷嚴君護以篤慈怙更有萬壽藤相依如蔦菟椿樹下有藤緣之而

上夜月度廊腰交柯相回互南溪亦老矣不杖猶飛步吾

疑此壽藤卽以綏遐祚風雨共晨昏爲君慰孺慕

西江書屋

浙東藏書家首推天一閣其後淡生堂牙籤最審權于今
推鶴浦善在精且博我觀古著錄諸家亦紛錯藏書不擇
書糠粃混精鑿藏書不讀書度置憐寂寞讀之或不善喪
志空作惡南溪真書倉萬選錢在索收拾南雷書門牆幸
有託反疑過高妙一切棄糟粕我生苦諛聞漁獵久荒落
何時得假館疑義相彈搏直溯西江波以濟枯魚涸

一隅閣

南溪志游仙五嶽造其四聊復留有餘衡陽未之至歸來
厭華堂一隅成小憩壺公以壺栖巢父以巢置人生苦局

四明談助

卷四十二

四十一

促耳目限于地莫夸雲夢寬適增夜郎媿南溪具神勇芒
屨百兩敝退之所回車游行心不憊壯觀歷天涯老倍添
奇氣小閣低于艇此中真無際我來阻淫雨登閣消清秘
遙望五嶽雲茫茫生遐跂

倭亂預兆

嘉靖三十三年夏慈谿縣南十里灌浦鄭家有一人昏時起
步室中忽濩然有聲若泥淖濺其股呼燈燭之乃血也衣盡
赭滿室沾濕出門試步畦町往往皆是當道舉奏人以爲倭

寇陷縣之兆

曹志

鐵沙滙

對江爲灣頭一交於東一交於西爲慈邑關鎖江底皆鐵沙

相傳有龍脉過江妄語不足道

桃花渡

相傳有黃攸飛斬蛟事見廟碑江水至此稱三江口與東四明來水會以下詳大浹江

王駐洋

縣東五里爲鄞江巨浸入海之流相傳宋高宗南渡時駐蹕於此出海故名聞志

宋高宗往明州有玉孩扇墜誤墮水中後見張循王俊所持識是前墮水物詢之張公云得之鋪家鋪家言得于提籃人提籃言于陳宅厨娘買得娘云破黃花魚腹中得高宗大悅賞賜有差敬止錄

四明談助

卷四十二

四十二

勾餘土音甬上雜歌

墮琴歎

詩話墮琴及墮玉扇垂二事皆宋高宗在甬上故實也墮琴有時還墮玉有時返汴都樂府瑤琴何時還璽郎寶玉何時返瑤琴寶玉亦已矣朽木燈檠且勿覩留連墮琴墮玉將無舛

梅墟

甬東四都四圖老界鄉乾隆二年重修五年工成錢志

舊志曰大梅山者漢梅子真舊隱也昔有大梅生山中吳大帝伐之其上則爲會稽禹祠之梁其下則爲它山堰梁皆名梅龍二梁之餘飛入定海橫亘江北是爲梅墟

范東明欽重修梅墟塘記環鄞東三十里而遙有塘墟焉漢南昌尉梅福所棲遲也因名梅墟江濶灘橫急流奔湧又名曰茅洋天順間先正方伯錢公璉捐資創議築塘歲久而圯萬歷九年憲副馮公時雨大尹楊公芳委邑簿任其事量日命工不愆于素凡閱月而告成矣

東井文鈔梅墟廟碑記節仙釋神三者爲近而神獨爲儒者所尊豈非以原本忠孝風施百世歷久而常存者乎西漢梅先生子真以一南昌尉上書天子欲預杜王氏之禍當是時先生忠誠貫天日言旣不用又不幸言而中于是高蹈遠舉超然塵俗之外而其遺跡於吾鄞尤著大梅之山崔魏書庫令人有問津之想而縣東梅墟作廟以祀先生是忠義激烈

四明談助

卷四十二

四十三

之氣感人心而通今古人心不死則先生之靈不死爲仙爲神所謂依人而存者于是啓牖我民人福善禍淫以昭覺世之權則謂茲墟以先生栖息之地而因以得名其誰曰不宜附記寓賢傳梅福字子真九江壽春人成帝時爲南昌尉元始中王莽專政福一朝棄妻子去或以爲得仙其後人有見於會稽者變姓名爲吳市門卒矣舊傳鄞之大梅山卽福

隱處

鄞峯真隱漫錄

大浹江

自崇邱東岡磬至竹嶼山海口者爲小浹江自王駐洋經梅墟至鎮海南城外出侯濤山者爲大浹江

曹志

劉叅軍敗孫恩

晉安帝隆安二年十一月妖賊孫恩作亂於會稽前將軍劉
牢之東討十二月恩遁還入海四年五月恩復入會稽十一
月劉牢之復率衆東征恩退走牢之屯上虞以劉裕參府軍
事戍勾章城勾章城既卑小戰士不盈數百人裕被堅執銳
爲士卒先每戰輒摧鋒陷陣賊乃退還浹口時東伐諸帥御
軍無律惟裕法令明整所至莫不親賴焉五年春孫恩頻攻
勾章裕屢摧敗之恩復走入海

宋書高祖紀

浹口捷

官奴城峩峩武皇曾晦迹未幾海氛揚甬東尤畏賊乃勞戍
守來遂以展鵬翮篠牆築江介金湯固磐石嗤彼王內史欲
借米鬼力海門雙浹口樓船高南極阿誰能飛渡殊非老羆
敵徐徐麾赤羽萬夫羣辟易游魂返越東待我掃餘息

龍驤將軍平田流

宋明帝泰始五年臨海賊帥田流自稱東海王剽掠海鹽殺
鄞令六年龍驤將軍周山圖將兵屯浹口討田流平之

通鑑

越置夫差於甬東

左傳越滅吳請使吳王居甬句東註句章縣海中洲也通典
云越徙夫差於甬東韋昭註卽句章東浹口外洲明州東北
到大海浹口七十里

王深寧甬東辨云按甬東浹口卽定海之浹港輿地廣記言
定海有大浹港今以城東爲甬東誤矣浹口外洲卽翁洲也

郡志謂甬東爲昌國蓋本于元和郡縣志昌國乃唐之翁山縣熙寧六年析鄞縣置豈亦句章地與

黃南山辨云鄞江自昔名甬江源出四明之南支流爲江右之渠曰甬水晉鮑神廟甬水村今郡城是也凡甬江之東卽左傳所載甬東至今名甬東隅實秦漢鄞縣之區正越句踐置吳夫差之地世謬指海中翁山洲爲甬東也故不得不辨秦皇游鄞至海中

秦始皇嘗遣徐市發童男女數千人入海求仙後市居象山縣之小蓬萊山不歸始皇三十六年東巡至鄞居三十日舟至海中夷亶二洲而還卒於道秘不發喪會暑上輜車臭乃詔從官令車載鮑魚以亂其臭

史記

四明談助

卷四十二

四十五

橫海將軍討東越

漢武帝元鼎六年東越王餘善反命橫海將軍韓說出勾章浮海與樓船將軍楊僕等共討之

漢書

王伯厚七觀在昔勾踐疆宇至鄞仰瞻沼吳蒲贏之濱曰甬句東浹口外洲戰爭蟻穴興亡貉邱秦政騁欲狼心未滿游鄞踰月從流忘反海水羣飛洪荼

通舒

於民一瞬爲墟鮑車魚

醫迨漢六葉濯征東粵勾章出師命臣韓說

皇甫處士蹈海

皇甫明子字東生性豪蕩每乘小舟掛布帆攜琴尊書籍釣具往來江湖德祐二年元師入臨安乃載其百口浮海佯狂

賦詩遂痛哭蹈海死

杜清碧
谷音

勾餘土音皇甫處士東海操

詩話東生殉于至元八年伯東叔齊之流亞也見杜清碧
谷音而慶元志無載之者

文丞相兮兵解燕山陳丞相宜中兮野死南蠻張世傑陸秀夫蘓劉義

劉尊師兮魚腹是填崦嵫餘景兮大去不還采首陽之薇兮薇

亦殘采商山之芝兮芝亦闌臣精已消兮臣心孔艱不如彭
咸兮所居得安臣偷生兮亦已數年而今全歸兮諒莫之愆
元遺民居海巢

元遺民丁鶴年西域人其來此也以其從兄吉謨雅丁官定
海之故海氛未靖轉徙島上及難稍平始爲浹口之巢桐江
一絲扶漢九鼎其亦間世之豪傑也矣節錄鮒埼亭集海巢

四明談助 卷四十二

四十六

記

萬僉事望海

句餘土音擬薤露詞

那得一帆風 萬僉事望海

問余何所思所思在東海長鯨阻予舟有維不可解贛水好
兄弟碧血已三載猶餘子遺黎飄泊依行在朔風送蜃樓城
闕儼暮靄那得一帆風送予出畏壘

詩話萬僉事允康字曰吉癸巳自南中來甬上蓋奉桂王
命聯絡海師也欲覲魯王不果歸而死節 贛水兄弟謂
南昌閣部元吉新喻給事發祥也子遺謂職方旋吉時在

島中

萬僉事曰吉黃州黃岡人崇禎庚辰進士知崑山縣乙酉起爲憲司分巡建寧事敗徧遊江左以事求會嫚罵不諱癸巳至鄞高元若林繭菴萬履安林荔堂高隱學皆與爲刎頸交唱和無虛日已而欲之白下筮之不吉同人請無往不可卒死於楊崐之難楊崐者以滇中敕存問舊臣七人爲人所告寓白下者並死之故僉事與焉

續者舊傳

陳生遊蓬萊

鄒忠公志完浩詩序并七言長古俱載聞志

海鬼侮弄

任宗堯者字子高名家子多藝能洞曉天文律呂大觀末從尙書王寧中書舍人張邦昌使高麗至四明放洋而去不十

四明談助

卷四十二

四十七

日四明忽傳副使舶壞人爲痛之始宗堯將登舟寄所賚玩好琴書于相識故人家而邁及是傳也其故人者嗟惻一旦有女奴忽暴病不省遂爲宗堯音訴其故人曰某所以涉鯨波萬里本希尺寸賞不謂遽持千金之軀而葬於魚腹故人念乎某所寓三琴實平生愛賞甲可歸之我家乙亦奇古當奉故人下者可與某凡所寓篋笥中百物歷歷分區不遺其故人大駭爲奠哭久之女奴始甦翊日則四明一郡皆傳謂使者舟壞信矣其後使人自高麗歸上下一無恙故人見宗堯歡喜竊笑獨異于常宗堯疑而詢焉方道其事乃知爲黠鬼

所侮

蔡條鐵圍山藂談

海國毛女

都公譚纂云寧波去海二千里有分界山與日本國相邇其山周圍二三百里有桃李竹橘之類舊有居民國初盡遷之中國寧波人常往來其山多見野人及毛女其毛女貌最美惟兩耳類犬不能言以藤穿樹葉蔽其體嘗有病者舟中恐其傳染架屋置此山中後月餘復經此山而人已無恙乃附舟言初臥山中時見毛女持兩山鵲來坐其旁惟飲鵲血其人取肉烹食之由是毛女日日取果來食之數日遂與之合如夫婦人病遂瘥後此人登丹毛女浮水追及舟人以篙

沉之

硯雲
甲編

南宋敕祀東

海之際其東則鄞之瞻崎壺頭蔡家墩其東北則定海之招

四明談助

卷四十二

四十八

寶山後海塘其西北則慈谿之觀海龍山其東南則象山之爵溪及奉化之鮎埼裡港距鄞東九十里而遙宋齧道五年太常少卿林栗言國家駐蹕東南東海南海實在封域之內自渡江以後惟南海王廟歲時降御書祝文加封至八字王爵東海以萊州隔絕未嘗致祭殊不知通泰明越温台泉福皆東海分界宜暫祀東海于明州是年九月二十四日勅封東海助順孚聖廣德威濟王于是明之海亦通稱東海矣聞志王伯厚七觀大海節海于天地間最鉅故觀于海者難爲水駕言徂東浩漾滄溟羲和浴于搏桑日杲杲兮金鉦朝潮夕汐與月虧盈有鱗如山從以鯤鯨神虬襄首吐雷噓雲方其駿濤虎狼之興銀峯萬仞雪屋千層簸空兀嶽沃日吞江雷公

爲之矍踖天杭爲之蕩震叶平盧賦竇志未能該也唐盧肇

寶叔蒙海濤志穆之圖論目擊其真燕肅字穆之知明州著海潮圖論二篇

射龍將軍祀海上

定海桃渚之上有射龍將軍廟焉將軍之神前明寧波衛指揮萬公文也將軍以永樂十五年率舟師逐倭寇戰于桃渚大捷明年下哨象山之鋸門昏夜見雙燈遠至熊熊閃閃以爲寇也遽發龍弩落其一炬黑風應弦而起一軍盡覆焉乃知其爲龍也將軍時年二十有二先是萬氏自將軍之祀斌以佐命死滁陽受世爵其父鍾死遜國其兄武死交趾三世皆以勤事不得歸骨招魂葬于西山至是以將軍衣冠附之所稱四忠之墓是也桃渚居民因稱將軍爲射龍將軍而立

四明談助

卷四十二

四十九

之廟龍旣落其目傳聞忽變相爲人就醫醫家爲之傳藥稍愈適其女從戶隙窺之則儼然鱗蟲之形也大驚呼其父而人己不見自是不復至目亦竟不療又或言勁旣病目嘗直入東錢湖深處養疴斯其言皆近誕始存而不論可也夫古之善射者曰射日曰射潮曰射石而將軍以射龍稱其技亦神矣哉鮚埼亭集

周生溺海蒙神佑

甌園周君精于醫好以方濟人中年附海舶將往臺灣訪所知中途遇颶風飄至呂宋幸其國奉中華聲教留居衣食之甌園遂以醫行國中嘗愈國王病王甚重之已而得賈舶附以歸以爲得生矣乃遇礁石舟破同舟者咸援石趨山麓君

方酣臥舟中聞有呼其小名者驚起水已沒脛急趨援礁石則巨浪擊石身隨浪沒海中自分已矣見神人立海面輿衛甚盛前列江夏侯旗幟神呼興卒起先生海中則又巨浪擁其身直至山麓同行先在者救以生恍惚中見江夏侯旗幟冉冉入雲中未遠江夏侯者吾祖唐明州刺史公所封號也其廟去先生所居不數武爲先生家所世祀于以見侯之威靈達海外而先生方且敦龐耆艾以其濟人者見濟于神爲不偶也先生再留呂宋久之始得附舶以歸歸而叩首江夏侯神前更其號曰甦園

節東井文鈔壽序

達蓬山望海市

見南雷文定海市賦

牛鼻孔 黃牛礁

四明談助

卷四十二

五十

蛟門之外爲崎頭在穿山盡處蛇山境上直入海中懸海有二山東爲定之黃牛礁西爲鄞之牛鼻孔鄞定分界在此亦爲出洋門戶見同安陳炯倫海國聞見錄亦見錢志海防攷東西四明內局錄竟復于三江入海作一總束以下詳東西外護